


13  
1074  
1





1074

詩自三百篇以還至唐而聲律  
大備今人作詩以唐爲法唐詩  
蓋數百家雖不盡預四庫之目  
先賢猶慮其繁欲使後學乃選  
爲三體四體極玄又玄衆妙二  
妙英靈間氣等集然其用事源  
委多有未達因博採簡冊所載



參以平昔見聞訓釋成編論諸  
同志咸俾入梓以助啓蒙余尚  
懼疎昧或曰朱文公註楚辭未  
免闕疑李侍讀註文選亦或祖  
述之謬況其餘者乎博洽君子  
庶幾補而正之云皆至大二年  
重陽日裴庾季昌書

子曰詩三百一言以蔽之曰思無邪  
此詩之體也又曰小子何莫學夫詩  
可以興可以觀可以羣可以怨邇之事  
父遠之事君多識於鳥獸艸木之  
名此詩之用也聖人之論詩如此後  
世之論詩不容易矣後世之學詩者  
捨此而他求可乎近世永嘉葉正則



水心倡為晚唐體之說於是四靈詩  
江湖宗之而宋亦晚矣聖人之論詩  
不暇講矣而漢魏晉以來河梁栢梁  
曹劉陶謝俱廢矣又有所謂汶陽周  
伯攷三體法者專為四韻五七言小  
律詩設而古之所謂詩益付之鴻荒  
艸昧之外矣其說以為有一詩之法

有一句之法有一字之法止於此三  
法而江湖無詩人矣唐詩前巨李杜  
後以韓柳為最姚合而下君子不取  
為宋詩則歐梅黃陳為第一渡江巨  
後放翁石湖諸賢詩皆當波玩熟觀  
體認變化雖然以吾朱文公之學而  
較之則又有向上工夫而文公詩未



易可窺測者也近高安沙門至天隱  
 乃大魁姚公勉之猶子聰達博瞻禪  
 熟文熟詩熟又從而註伯敬所集之  
 詩一山魁上人回之方外交也將磧  
 砂南峰表公之命俾回為序以弁其  
 端云紫陽山虛叟方回序

表

唐三體詩註綱目

○卷之上 絕句體

實接 虛接 用事

前對 後對 拗體

側體

○卷之中 七言體

四實 四虛 前虛後實







# 唐高祖開基圖

隋末天下大亂，高祖起兵，克長安，遷都洛陽。八月，克洛陽，進圍許州。子建成德，霍邑以拒，義師高祖敗之。隋將宋老壯，子建成文，守京城，遣使諭之，不報。十一月，克之。次年，二月，下建。成世民復，狗地東都。五月，隋帝遜于位。

# 唐太宗混一圖

武德三年，太宗克洛陽，遷都長安。五年，克之。李密武德三年降，朱粲武德四年降，軌洛水上。劉武周武德四年其，劉黑闥武德四年其，竇建德武德二年敗，武德三年太宗克之。高祖克隋，都遣諸將，東征西討，虜世充擒，蕭銑斃黑，闢降李密，執建德，碎，舉既，武，周奔敗朱，祭伏誅其，佗群盜往，往悉降而，唐世大略，平矣。

# 唐地理圖

唐高祖居，隴西起兵，晉陽都長，安王世克，據潁陽蕭，銑據江陵，安祿山反，范陽蕭宗，即位靈武，涇原軍士，作亂立朱，泚德宗避，冠奉天玄，宗及僖宗，避冠成都。

# 唐藩鎮圖

魏傳曰水嗣至，田悅及盧龍李，懷仙至朱滔朱，克融及鎮夏李，寶臣至王武俊，王廷湊反並弗，克城滔尚李正，已至李師道反，橫海程日華至，李同捷反彰義，吳少誠至吳元，濟及東川劉闢，反浙西李錡反，並伏誅宣武劉，玄佐李元，朝廷別命代。



宋名公校正各目

度竊謂文藹昭代之英華昌符

國運理探先賢之隱秘學本家傳是固儒者之當究心誠體

聖主之所加意蓋美刺形於歌詠

政化有關於訓釋沂其淵源刑法無禁自幼至老之所素願雖愚不肖之可與知念唐年幾三百之多仙李云謝仰詩宗垂諸代之富竹竹留香引物運類之難究積日成歲之易久深虞坐井之見謾與測海之謀臺卿七篇之解甚明尚虛遺闕以肅改正晦翁四書之註已備猶設或問以辨疑訛言復何能敢自為是迂重負於他境併力堪扶示宿恙於通衢良方乃得用求王公大人之聲歎寧惜老舊老成之振趨倘臭味式契於芝蘭庶采掇不遺於葑菲如日昇蟠國十監可讀工部詩茲惟難哉就使眼空天下書始登韓公策蓋亦寡矣願其恕輕重之角立致殷與榮辱之畦分覆瓿誣一陸之幾洛陽愈增於高價凌雲詫九重之薦司馬奚嫌於超遷幸大道之惟公喜微言之不泯行吟向曠思獻天子之尊佇俟觀風願陳民俗之厚拳拳人素耿耿寸丹

至大二年九月

二

集

度

各目

諸家集註唐詩二體家法諸例

一諸箋註始自毛鄭諸賢以至歷代名家篇什先

儒並皆有註即此取法觀者幸悉

一詩篇並依俗傳刊本或於元數爭差即非私意增損

一三體詩多且格式最明故首於諸集

一唐世系紀年并唐地理圖志附見集首庶幾作

詩時世及所指處所便於稽攷

一唐賢履歷三體四體二妙並以詩之次第為先

後佗集重名類之於前明該已見其集其餘則

列於後遂不復依次間有未詳姑俟明哲

一都邑州縣歷代沿革並依書傳史記及漢唐書地理志方



與勝賢等出處即繫以六合混圖并事林廣記等所載  
皇朝混一各處所管道路於後雖溢四海之遠可見也  
一官職歷代沿革並依史記及漢唐書并職林等  
出處印以事文類聚等所載

皇朝當今設立名稱為證

一諸已註者更不重述間有事同或前畧而後備  
觀者互見自有所得

一詩中用事或有未詳即闕之至若詩人措意蓋  
起一時之興如無所據不敢臆說

一諸詩或經先賢講說及諸詩話已嘗辨論者各  
附載本篇之末

### 唐世系紀年

姓李氏都長安二十帝一女主起武德  
元年戊寅止天祐四年丁卯實二百八  
十九年

### 高祖

諱淵字叔德隴西成紀人其五世祖高當晉安  
帝時據秦涼以自王是為涼太祖武昭王曾祖  
虎事周閔帝及帝受魏禪虎已卒乃追錄其功封  
唐國公諡曰襄襄公生炆炆生唐公為隋安州總  
管柱國大將軍卒諡曰仁仁公生高祖又襲  
封唐公滅隋國遂號唐在位九年壽七十一

### 武德元

元年  
戊寅

### 太宗

諱世民高祖次子母曰大穆皇后  
寶氏在位二十三年壽五十三

### 貞觀二十三

元年  
丁亥

### 高宗

諱治字為善太宗第九子母曰文  
德皇后在位三十四年壽五十六

### 永徽六

元年  
庚戌

### 顯慶五

元年  
丙辰

### 龍朔二

元年  
辛酉



麟德二 元年 甲子  
乾封二 元年 丙寅  
總章二 元年 戊辰

咸亨四 元年 庚午  
上元二 元年 甲戌  
儀鳳三 元年 丙子

調露一 元年 己卯  
永隆一 元年 庚辰  
開耀一 元年 辛巳

永淳一 元年 壬午  
弘道一 元年 癸未

### 則天皇后

諱曩姓武氏并州文水人父士護官至工部尚書前州都督封應國公后年十四太宗聞其有色選為才人太宗崩后削髮為感業寺比丘尼高宗幸寺見而悅之召入宮為昭儀進號宸妃永徽六年廢皇后王氏立宸妃為后稱制二十二年壽八十一  
○墨之少切 ○獲紆縛於自居

光宅一 元年 甲申  
天授二 元年 庚寅  
載初一 元年 辛卯

長壽二 元年 壬辰  
如意一 元年 癸巳  
延載一 元年 甲午

天冊萬歲一 元年 乙未  
萬歲通天一 元年 丙申

臘月甲戌改元  
神功一 元年 丁酉  
聖曆一 元年 戊戌

久視一 元年 庚子  
長安四 元年 辛丑

中宗 諱顯高宗第七子母曰則夫順  
聖皇后在位六年壽五十五  
神龍二 元年 乙巳

景龍三 元年 丁未

睿宗 諱旦高宗第八子在  
位二年壽五十五  
景雲二 元年 庚戌  
本唐隆元年七月改景雲

太極一 元年 壬子  
五月戊寅改先天

玄宗 諱隆基睿宗第三子母曰昭成皇后  
寶氏在位四十二年壽七十八  
先天一 元年 乙未  
即太極改

開元二十九 元年 癸丑  
天寶十四 元年 丙申

肅宗 諱亨玄宗第三子母曰元獻皇后  
楊氏在位七年壽五十二  
至德二 元年 丙申



乾元一 元年 戊戌

上元二 元年 庚子

寶應一 元年 壬寅

代宗 諱豫 肅宗長子 母曰章敬皇后 吳氏 在位十七年 壽五十一

廣德二 元年 癸卯

永泰一 元年 乙巳

大曆十四 元年 丙午

德宗 諱适 代宗長子 母曰睿貞皇后 沈氏 在位二十六年 壽六十四

建中四 元年 庚申

興元一 元年 甲子

貞元二十 元年 乙丑

順宗 諱滿 德宗長子 母曰昭德皇后 王氏 在位一年 壽四十六

永貞一 元年 乙酉

憲宗 諱純 順宗長子 母曰莊憲皇太后 王氏 在位十五年 壽四十三

元和十五 元年 丙戌

穆宗 諱恒 憲宗第三子 母曰懿安皇太后 郭氏 在位四年 壽三十

長慶四 元年 辛丑

敬宗 諱湛 穆宗長子 母曰恭僖皇太后 王氏 在位三年 壽十八

寶曆二 元年 乙巳

文宗 諱昂 穆宗第二子 母曰貞獻皇太后 蕭氏 在位十三年 壽二十三

太和九 元年 丁未

開成五 元年 丙辰

武宗 諱炎 穆宗第五子 母曰宣懿皇太后 韋氏 在位六年 壽三十三

會昌六 元年 辛酉

宣宗 諱忱 憲宗第十三子 母曰孝明皇太后 鄭氏 在位十三年 壽五十

太中十三 元年 丁卯

懿宗 諱僖 宣宗長子 母曰元昭皇太后 龐氏 在位十四年 壽三十一

僖宗 諱儂 懿宗第五子 母曰惠安皇太后 王氏 在位十五年 壽二十七

廣明一 元年 庚子

中和四 元年 辛丑

光啓三 元年 乙巳

文德一 元年 戊申

昭宗 諱曄 懿宗第七子 母曰恭憲皇太后 王氏 在位十四年 壽二十八



龍紀一 元年 巳酉

大順二 元年 庚戌

景福二 元年 壬子

乾寧四 元年 甲寅

光化三 元年 戊午

天復三 元年 辛酉

景宗

諱祝昭宗第九子母曰皇太后何氏在位四年禪于後梁太祖朱溫徙于曹州號齊陰王梁開

平二年遇弒年十七謚曰哀帝

天祐四

元年甲子四年丁卯四月禪位

三體集二百六十七人

杜常

新舊史及唐諸家小說並無杜常姓名惟孫公談圃以杜常為宋人西清詩話亦曰世有才藻擅名而詞不工者有以文藝稱而語驚人者如杜常傳華清宮一絕乃杜常武自阻風乃方澤也按一說則杜常方澤皆宋人仲明詩學傳家列之於唐唐必有據更侯博聞者定之

王建

大曆十年第一進上太和中為陝州司馬初為渭南尉與宦者王守澄有宗人之分澄以弟呼之故多知禁掖故事作宮詞百篇○茗溪漁隱詩話引王建宮詞舊跋云建與韓愈張籍同時而藉相友善工為樂府歌行思遠格幽

薛能

字大拙汾州人會昌六年登進士第大中末書判中選補鄠尉太原陝虢河陽等從事李福鎮滑州表觀察判官歷御史都官刑部員外福建西川取為節度副使咸通中攝嘉州刺史乾符中許州刺史歸朝遷主客度支刑部郎中俄刺同州京兆溫潼貶命權知尹事出領感化節度入授工部尚書復



節度徐州徒忠武廣明中徐兵成殷本經許館城中  
許軍懼見龔遂龍據城大將周岌自稱留後因屠其家

### 錢起

吳興人天寶中舉進士終  
考功郎中與郎士元齊名

### 張籍

字文昌和州烏江人登進士第韓愈薦為  
國子博士歷水部主客郎中終國子司業

### 杜牧

字牧之舉進士復舉賢良方正太和末自待御  
史出作沈傳師宣城幕除官入京後二十餘年  
連典池黃湖等四郡遷殿中侍御史後為司勳員外  
郎除字遷中書舍人卒年五十牧詩情致豪邁人號  
小杜以

### 王昌齡

字少伯江寧人工詩時謂王江寧開元間第  
進士補秘書郎又中博學宏詞遷汜水尉不  
護細行貶龍標尉以世亂還

### 王維

字摩詰太原人開元初年十九進士擢第調太  
樂丞坐累為濟州司倉參軍張九齡執政擢右  
拾遺歷監察御史累遷給事中祿山亂平下遷太子  
中允久之遷中庶子二遷尚書右丞有詩名工書十

元初卒年  
六十一

### 張繼

字懿孫襄州人登天寶進士第大曆未檢校祠  
部員外郎分掌財賦於洪州又嘗為鎮戎軍節度

### 戴叔倫

字幼公潤州金壇人師襄蕭穎士為門人冠  
劉晏為監鐵鑄主運湖南嗣曹王皋領湖南  
江西表在幕府德宗建中中李希烈反皋討希烈留  
叔倫守杭州刺史後遷容管經畧德宗嘗賦中和節  
詩遣使寵賜代還

### 韓翃

字君平南陽人天寶十三年進士侯希逸鎮淄  
青表幕府從事府罷閑居十年李勉鎮夷門辟  
為幕屬建中初除駕部郎  
中知制誥終中書舍人

### 劉商

彭城人稱長安工畫山水木石終檢校禮部郎  
中汴州觀察判官又按唐書貞元比部郎中

### 李涉

李渤之兄初借隱廬山憲宗時為太子通  
事舍人太和末為太學博士自號自溪子  
字中行扶風平陵人左拾遺叔尚之子與弟  
羣序輩俱有名常大曆中及進士第不其謂客

### 竇常

字中行扶風平陵人左拾遺叔尚之子與弟  
羣序輩俱有名常大曆中及進士第不其謂客



廣陵多所論著隱居二十一年杜祐鎮淮南署為參謀歷朗夔江撫四州刺史寶曆中國子祭酒致仕卒贈越州都督

### 徐凝

睦州人按嚴州圖經凝分水縣人紀事云元豐中縣令毛直友序凝詩謂野史稱官金侍郎不知何據

### 雍陶

字國鈞太中八年自國子毛詩博士出為簡州刺史

### 許渾

字用晦睦州之後居潤州京口太中三年在監察御史以疾乞東歸終睦州刺史○按渾本居睦州而詩號丁卯集者曾彥和潤州題集云輿地志晉元帝子車騎將軍袁鎮廣陵運糧出京口以水涸奏請立埭丁卯制可因以為名今通吳門外五里有港曰丁卯上有石橋乃昔人立埭之所也渾詩序言於朱方丁卯潤村舍寫於烏絲欄且之為丁卯集蓋渾有別墅在常居此村也

### 溫庭筠

本名岐字飛卿嘗於江淮為親表積楚改名庭筠困於場屋卒無成與李商隱皆有名號

溫李然薄於行與貴胃裴誠令狐滈等蒲飲狎昵大中未上書千餘言授方山尉徐商鎮襄陽署巡官俄罷楊收疾之遂廢卒

### 李群玉

字文山澧州人太中中宰相崔鉉進其詩以處士除弘文館校書郎一云裴休觀察湖南厚延致之入相以詩薦於朝遂授校書郎

### 唐彥謙

字茂業咸通末進士第中和間王重榮表河中從事歷節度副使重榮遇害貶漢中丞與元楊守亮留署判官遷副使歷晉絳閬壁四州刺史自號鹿門先生按唐書作大順進士第一云檢校禮部尚書

### 陵龜蒙

字魯里三吳人也元方七世孫父賓虞浙東從事龜蒙少高放通六經大義猶明春秋事進士一不中居姑蘇又云居松江甫里藏書萬卷從事耕釣性嗜茶時謂江湖散人素與李蔚善及當國召拜拾遺詔方下而卒



吳融

字子華越州山陰人龍紀初及進士第韋昭度討蜀表掌書記遷累侍御史後為左補闕以禮部郎中為翰林學士拜中書舍人昭宗反正進戶部侍郎終翰林承旨

韓偓

字致光一字致堯京兆萬年人擢進士第佐河中幕府召拜左拾遺遷累左諫議大夫王溥薦為翰林學士遷中書舍人後貶濮州司馬再貶榮懿尉徙鄆州司馬天祐二年復召為學士還故直不敢入朝挈族依王審知而卒有詩名香奩集

嚴維

字文正越州人為越諸暨及河南尉又充河南嚴中丞幕府終校書郎字曾卿婺州刺史又詳見前寶常及後寶羣下

鮑溶

字德元元和四年進士與韓愈李正封孟郊友善

鄭谷

字幼時司空圖與刺史同院見而奇之令吟詩嘆惜撫其背曰當為一代風騷主為右拾遺乾寧中以都官郎中卒于家

杜荀鶴

字彥之杜牧之徵子也牧之會昌末自齊安移守秋浦時妾有姪出嫁長林卿正杜筠生荀鶴有能詩名大順初擢第尋授翰林學士主客員外郎知制誥天祐初卒本池州人州有九華山故自稱九華山人

劉長卿

字文房至德監察御史以檢校祠部員外郎為轉運使判官知淮西鄂岳轉運留後鄂岳觀察使吳仲孺誣奏貶潘州南巴尉會

秦至

字公緒會稽人天寶避亂剡溪本集云大曆五年人以詩聞北都鄭之留守薛兼訓奏為古衛率府倉曹參軍不就客泉州結廬南安太松下穴石為研注老子彌年不出張建封聞不可致請就加校書郎年八十七卒

李洞

唐諸王孫也嘗遊兩川祝氏勝覽洞雍州人避朱泚之難入蜀於普州太雲山鑿石為洞讀易其中師事賈島慕其為詩北夢瑣言載洞鑿石像頂戴常念賈島佛



陳羽

與韓退之同年登第

于鵠

大曆貞元間詩人也為諸府從事居江湖間嘗自述曰三十無名客空山獨卧秋登時空者耶

孟遲

字遲之登會昌五年進士第

崔魯

大中時進士芭撫言云有酒失按唐書魯作櫓有無機集四卷三百篇

岑參

南陽人文本之後登天寶進士第累為安西四節度判官入為祠功二外郎虞庫一正郎出為嘉州刺史副元帥杜鴻漸表參兼待御史列於幕府使罷寓于蜀中原多故卒死於蜀又至德中嘗在宣議郎試大理評事攝監察御史

司空曙

字文明一字文初廣平人登進士第從韋皇於劍南貞元年水部郎中終虞部郎中大曆

中才子一人之數唐書詩二卷

張喬

池州人咸通中京兆府解試首薦唐書大順進士第黃巢亂遂與伍喬之徒隱九華

張佺

關

僧法振

與姚合同時人

顧況

字道翁姑蘇人至德進士恂恢諧與柳渾李泌為方外友德宗時渾輔政以秘書郎召及泌為相自謂當得達官久之遷著作郎坐詩語調諱貶饒州司戶居第山以壽終

柳宗元

字子厚河東人進士博學宏詞科貞元間王叔文得政引內禁與計事俄而叔文敗坐貶永州司馬元和十年徙柳州刺史號柳柳州十四年卒

李郢

字楚望大中進士及第為藩鎮從事終待御史又按九國志郢本長安人唐末避亂嶺表生子與字魯珍尤能詩登田科終給事中

王駕

字大用河中人太順初進士及第仕至尚書禮部員外郎自稱守素先生與司空圖鄭谷相善為詩

友



張演

咸通十三年鄭昌符榜及第

司空圖

字表聖河中虞鄉人五代史缺文云自言河州人咸通末擢進士宜欽觀察使主疑碑置幕府召為殿中侍御史被劾三遷光祿寺主簿盧携執政召拜禮部員外郎尋遷郎中僖宗朝知制誥遷中書舍人拜諫議大夫昭宗朝兵部侍郎以足疾辭歸中條山王宮谷先人之故居及聞景宗被弒不食而卒年七十一

皇甫冉

字茂政潤州丹陽人玄晏先生謚之後秘書少監集賢院備撰彬之姪同第曾進登天寶進士授無錫尉避難居陽美大曆中河南節度使主綰鎮徐州辟為掌書記後為左金吾衛兵曹參軍左補闕與曾齊名

劉禹錫

字夢得漢景帝子勝中山王之子孫其七世祖亮遷洛陽為比部都昌人擢進士第登博學宏詞科貞元間與王叔文交及叔文敗貶朗州司馬及連州刺史又改夔州後入為主客郎中會昌初

盧仝

加檢校禮部尚書初年七十二贈戶部尚書居東都韓愈為河南令愛其詩厚禮之仝自號玉川子嘗作月蝕詩以譏元和逆黨愈稱其工劉後村詩話稱為處士甘露中為官者所殺

元稹

字微之河南人生於建中元年庚申少樂天七歲十五擢明經元和初舉制科對策第一拜左拾遺長慶初擢祠部郎中知制誥俄遷中書舍人翰林承旨學士太和尚書左丞拜武昌節度使卒年五十三贈尚書右僕射

姚合

開元宰相崇曾孫按新史云崇生龔龔曾孫合席相世表崇弟元素算算生開開生合則合為龔之從孫崇之從曾孫矣元和中進士及第調武功主簿又為富平萬年尉寶應中遷監察御史戶部外郎出為荆杭二州刺史後為給事中陝號觀察使開成未終秘書少監諫議大夫選唐詩二百首名極玄集

趙嘏

字承祐常州晉陵人會昌二年擢進士第一作開成五年太中卒於渭南尉



### 羅隱

字昭諫餘杭人隱池之梅根浦自號江東生廣明中池守竇滂營墅居之光啓中錢鏐辟爲從事節度判官副使梁祖以諫議召不行開平中魏博羅紹威推爲叔父表授給事中年八十余終余杭有子曰

### 朱褒

字浪仙范陽人來洛陽韓愈教爲文初爲浮屠名無本後去浮屠舉進士累舉不中又宗時爲

### 賈島

病蟬詩刺公卿或奏島與平曾爲中惡大中未授遂州長江主簿會昌初以普州司倉參軍遷司戶未授命以啖牛肉得疾卒年六十五

### 方澤

西清詩話云北傳華清宮一絕乃杜常武昌阻風乃方澤也或云二人皆宋人

### 曹松

字夢徵衡陽人一云舒州人學貫詞倉爲詩此外無能天復初及第王希羽劉象祠崇鄭希顏同榜皆年七十餘時號五老榜各授校書郎

### 僧靈徹

姓陽氏字澄源越州人居雲門寺一時公卿藉劉長卿嚴維皇甫曾皆投刺結友徹與皎然僧標齊名終于宣州開元寺門人遷之建塔山陰天柱峯貞元後詩人

### 雍裕之

與孟郊友善按皮日休劉棗強碑云先生姓劉氏名言史不詳具卿里與李賀同時其歌詩自賀外世莫得比于武俊節度鎮冀造之武俊奏詔授棗強令辭疾不就世重之日劉棗強猶范萊卷之類也

### 劉言史

詩自賀外世莫得比于武俊節度鎮冀造之武俊奏詔授棗強令辭疾不就世重之日劉棗強猶范萊卷之類也

### 竇群

字丹列京兆金城人兄弟皆擢進士第獨羣以處士客隱昆陵母卒羣指置棺中廬墓章夏卿薦之朝德宗擢左拾遺武元衡薦代中丞憲宗立轉膳部員外兼侍御史出爲唐州刺史又拜吏部郎中湖南觀察使改黔中因羣蠻亂貶開州刺史稱遷客管經畧使召還卒于行年五十五贈左散騎常侍兄常弟牟庠羣皆爲郎工詞章爲聯珠集行於時義取昆弟若五星然



劉得仁

貴主之子自開成至大中三朝昆弟皆歷貴仕而得仁苦於詩出入舉場三十年卒無成而卒

熊孺登

鍾陵人登進士第終藩鎮從事白樂天同時有洪州逢孺登詩

韋應物

周道遙公復之後待價生令儀令儀生應物生應物據王欽臣為作詩序云唐史不載其行事然詳其集中天寶時廬從遊幸承泰中任洛陽丞京兆府戶曹大曆十四年自鄆縣令制除濬陽令建中二年由前資除比部員外出為徐州江州刺史追赴闕改左司郎中貞元初又刺蘄州劉禹錫詩稱為左司官止此○又沈

李益

字君虞涼州武威郡姑藏人天曆四年登第有心疾不見用後為幽州劉濟營田副使獻詩有感恩知有地不望京樓之句憲宗召為秘書少監負才凌轅諫官忝幽州時怨望語降秩俄復官遷太子賓客轉散騎常侍後遷禮部尚書致仕卒

竇鞏

字友封雅裕與人言若不出口世號聶喙鞏元稹武昌軍節度辟秘書少監兼御史中丞充節度副使卒

李商隱

字義山懷州河內人英國公世勣裔孫開成二年登進士第調弘農尉王茂元鎮河陽表掌書記以子妻之除侍御史令狐楚師河陽奇其文歷鎮表為巡官及令狐絢當國補太學博士以檢校工部員外郎榮陽為文塊邁奇古與溫庭筠段成式相誇號三十六休自稱玉溪生

竇牟

字貽周貞元間進士累佐節度府長慶中為國子司業

章碣

孝標之子登乾符進士第

張祐

字丞吉以處士居蕪州令狐楚長慶中嘗薦其詩於朝上不用詳見文玄集杜牧寄張祐詩注或云祐清河人嘗賦淮南詩云人生只合揚州死禪智山光好墓田太中中果卒於丹陽

盧綸

字允言河中蒲人避天寶亂客鄱陽大曆初舉進士不入第無載取其文以補閩卿尉累遷監



察御史渾瑊鎮河中辟元帥判官累遷檢校戶部郎中德宗從中驛召會卒與吉中孚韓翃錢起司空曙苗發崔峒耿湓夏侯審李端皆能詩號大曆十才子

### 高蟾

紀事載唐登科記進士有兩高蟾其一乾符三年高湘下其一中和三年夏侯澧下係賓貢人然能詩之蟾則乾符二年登第者是以詩史所載攷之當乾符四年○唐書韋寧御史中丞

### 李頎

開元進士第頎音祈

### 長孫佐輔

德宗時人弟公輔為吉州刺史佐輔往依焉

### 高駢

字千里南平郡王高崇文孫家世禁衛咸通中懿宗將復安南授節度招討使僖宗立南詔掠成都從劍南西川節度歷荆南鎮海節度徙淮南因誅黃巢無出師意帝以干鐸代之賊平無聊乃為意求仙惑於呂用之張守一諸葛殷等役使鬼神妖怪之說鎮揚州大將軍師鐸反攻揚州囚十道院殺之生長慶初死光啓間

### 殷堯藩

元和九年登進士第從李翱長沙幕府當為永樂令後以侍御官江南○云云秀州人

### 劉滄

字蘊靈太中進士第魯人

### 張泌

江南火南唐內史舍人

### 方干

字雄飛新定人張八元節其外主父也一云歛人允缺號缺唇先生有司以唇缺不可與科名咸通中隱居鑑湖一云桐廬人恣態山野時號方處士嘗謁廉侔誤三拜人稱方三拜將薦于朝而宰相人謚玄英先生韋莊奏賜及第一云宰相張文蔚中書舍人封齊卿奏名儒不遇者十五人乞各賜一官以慰真寃干其一也

### 高適

字達夫滄州勃海人舉有道科調封丘尉祿山反為哥舒翰西河從事由左拾遺遷侍御史擢諫儀大夫代崔光遠西川節度使又蜀彭州刺史入為刑部侍郎廣德中左散騎常侍封勃海侯年五十七始為詩即工每吟一篇好事者輒傳布永泰初卒



崔曙

開元二十六年第進士

李遠

字求古太中建州刺史又宣宗太中十二年丞相令狐綯擬遠杭州刺史上日吾聞遠詩云長日惟消一局棋安能理人綸日此詩人託與耳未必果然上日且令往試觀之

來鵬

昭宗時人詩思清麗福建章尚書岫愛其文欲以女妻之不果後游蜀夏課卷中有詩云一把綠荷風剪破賺他秋雨不成珠識者以為不祥是歲隨秋賦而卒又詩云分明記得還家夢徐儒宅前湖水東恐

洪州人

李嘉祐

別名從一或曰從二字也袁州人初為江陰令二元中台州刺史大曆刺袁州又嘗郎於中臺故實常贊嘉祐云雅登郎位靜鎮方州其詩因號臺閣集

李頻

字德新睦州壽昌人一作遂安人太中八年擢進士第調秘書郎為南陵主簿判入等再遷武功令縣大治懿宗嘉之擢侍御史累都宮員外郎乾符中以工部郎中表為建州刺史卒于官娶姚合少

監女

皮日休

字襲美一字逸少襄陽人咸通八年登進士第云咸通中為太常博士遭亂歸吳中黃巢寇江浙劫以從軍至京師以為偽翰林學士令作議

崔顥

汴州人開元擢進士第才俊無行好菡飲娶妻惟擇美者不憚即去之者三四終司勳員外郎登寶應進士第為左拾遺大曆

李德裕

字文饒趙州贊皇人元和宰相李吉甫子以蔭補校書郎穆宗權為翰林學士尋授御史中丞出為浙西觀察使文宗大和三年拜兵部侍郎復出為鄆滑節度使徙劍南西川節度使後拜刑部尚書又拜平章事又興元節度使武宗立召拜同平章事封衛國公宣宗罷為司徒同平章事荆南節度使俄徙東都留守後貶潮州司馬又匡州司馬卒年六十三懿宗追復太子少保衛國公

李端

趙州人仕至杭州司馬詩格云校書郎大曆才子一人之數李嘉祐有送姪端詩蓋其姪



白居易

字樂天其先大原人徙華州下邳生於大曆七年壬子貞元十四年擢進士第元和對策為翰林學士因事貶江州司馬遷左拾遺徙忠州刺史入為司門員外郎以主客郎中知制誥長慶中自中書舍人為杭州刺史會昌初刑部尚書致仕六年卒年七十五贈尚書右僕射

頂斯

字子遷江東人會昌四年登進士第命為潤州丹徒縣尉尚書楊敬之雅愛其詩所至稱之嘗贈詩云平生不解藏人善到處逢人說頂斯敬之御史疑之子

羊士諤

受知李吉甫又最善呂溫薦為御史又嘗為資州刺史按順宗實錄元年貶羊士諤為江州寧化縣尉蓋士諤性碩險以公事至京時王叔文用事公言其非叔文聞之怒欲下詔斬之韋執誼不

崔塗

字禮仙光啓四年登進士第字李直幽州人以武參軍避亂居揚州再召

張南史

字南史按間氣集云張君奔基者中歲舉文

李紳

字公垂中書令敬玄曾孫為人短少時號短李紳憲宗元和初擢進士第穆宗召為拾遺翰林學士敬宗遷滌壽二州刺史文宗開成河南穆武宗中書侍郎同平章事右僕射淮南節度使卒李德裕元稹同時

李山甫

咸通間人按上鐸傳載李山甫者數舉進士被黜依魏幕內樂禍且怨中朝大臣導樂彥

褚載

字厚之乾寧二年登進士第詩史云載家至貧西風昨夜隨紅茵宿郵亭事萬船無地可耕歸不得有恩堪報死何難流牟作孝看將老百計求安未得安一卷新書滿懷淚頻來門館訴飢寒君牙贈翰下

韋莊

字端已杜陵人見素之後曾祖少微宣宗時中書舍人李詢為兩川宣諭和協使辟莊為判



官中原多故潛依王建建辟掌書及起居舍人選唐詩三百首為又玄集

王貞白

字有道乾寧二年進士第

羅鄴

餘杭人父則為監獄少吏有子俱以文學進鄴充長七言詩崔安潛侍郎廉問知江西志在弓旌為幕吏所沮既而俯就督郵因致舉事無成而卒

杜審言

字必簡襄陽人擢進士為隰城尉又天官侍郎累遷洛陽丞坐事貶嘉州司戶參軍武后時授著作佐郎遷膳部員外神龍初坐交通張易之流峯州人為國子監主簿修文館直學士卒太學士生子閑

閑生甫

沈佺期

字雲卿相州內黃人及進士第由協律郎累除給事中考功郎受賕劫未究會張易之敗長流驪州稍遷台州錄事參軍入計得召見拜起居郎兼修文館直學士侍宴帝詔學士等舞回波為并詞悅帝賜牙纁尋歷中書舍人太子詹事開元初卒

皇甫曾

字孝常潤州丹陽人天寶中與兄冉踵登進士歷侍御史監察坐事貶舒州司長陽翟令與兄齊名當時比子張氏景陽孟陽云

王灣

登先夫進士第開元初為滎陽主簿馬懷素欲校正羣籍灣在選中各部撰次後為洛陽尉丞相燕公說之子說其先自范陽徙河南更為洛陽人均自太子通事舍人累遷主爵郎中中

張均

書舍人後襲燕國公累遷兵部侍郎以累貶蘄饒二州刺史復為兵部侍郎及尚書坐弟均貶建安太守還授大理卿祿山盜國為偽尚書令肅宗以說有舊詔免罪流合浦建中初贈太子少傅

殷遙

潤州句容人天寶間終忠主府舍曹參軍

崔峒

登進士第為拾遺集賢學士後終州刺史或云終元武令文藝傳云終右補闕大曆十主子

人之數

楊發

字至之楊收之兄收世居馮翊發登進士及中拔舉累官左司郎中又為都官郎中改大常少



卿為蕪州刺史徙福建

觀察使貶婺州刺史

李質

字公幹襄陽人又詳見後

章八元

睦州人登大曆進士第嘗於郵亭偶題蓋激楚之音也會稽嚴維到驛問日爾能從我學

詩乎日能少頃遂發八元已滿家維賢之遂親指論數年充賦擢第

張又新

字孔昭工部侍郎薦之子元和中和及進士高第歷左右補闕附李逢吉罷汀州刺史又附

季訓訓死後坐敗終左司郎中

鄭巢

與姚合同時舉

孫魴

南自人唐末鄭谷避亂歸宜春魴往依之頗為誘掖後有能詩名終於南唐其父書工也王微

為中書舍人魴請詞云李陵橋上不吟取次之詩顧凱筆頭遺畫尋常之物魴終身恨之

李咸用

隴西人仕至推官楊誠齋為作詩序云唐木人詩卷名披沙集

李中

唐末為新淦令有碧雲集

僧處默

越州人一作睦州人與羅隱同時人

僧靈一

越中雲門寺律師持律甚嚴以清高為世所雅能詩劉長卿嚴維郎士元皇甫冉皆以詩

相徃來

李昌符

字岩夢登咸通四年進士第歷尚書郎○又按唐書僖宗光啓三年六月己酉鳳翔節度

使李昌符反庚戌犯大安門不克奔于隴州七月伏誅

僧貫休

字德隱婺州蘭溪和安寺賜紫禪月木師詩號禪月集曹松許棠方干同時人

張謂

登天寶二年進士第奉使長沙大曆間為孔部侍郎連典七年八年九年貢舉

張蠟

字象文乾寧進士第賦樂陽避亂入蜀蜀王時為金堂令進詩二百首召知制誥未光嗣以蠟

輕忽傲物止之卒於官蠟音平又蒲邊切



許棠

字文化宣州涇縣人登咸通十二年進士第

孟浩然

字浩然襄陽人初隱鹿門山張九齡為荊州碣置干府府罷開元末病疽背卒年五十一

郭良

朱慶餘

唐書作朱慶名可久以字行又字慶緒越州人登寶曆二年進士第

宋之問

字延清一名少連汾州人越州長史神龍初少府監與弟之遜皆誦事張易之貶嶺南龍州參軍事逃歸匿駙馬都尉王同皎家聞同皎疾武王思及韋后之言之遜密令子曇與甥李悅告同皎欲殺王思及廢后事以自贖同皎等皆坐斬之問之遜並除京官遷考功員外郎中宗時誦事太平公主復結安樂公主太宗深疾之中宗將用為中書舍人太平公主發其賊下遷汴州長史又改越州睿宗立以獐險盈惡流欽州賜死

張鴻

闕

于武陵

會昌時詩人李鄴李頴同時或云即于鄴

常建

肅代時人殷璠河岳英靈集云常建倫於尉按王荊公詩選載常建大曆中時貽尉

章孝標

桐廬人登元和十四年進士第太和

孫逖

傳州武水人一云河南人開元十年舉賢良方正擢左拾遺李昌鎮大原表置幕府以起居舍人入為集賢院脩撰改考功員外遷中書舍人於職八年判刑部侍郎以風疾徙太子左庶子累年徙少詹事上元中卒贈尚書右僕射諡曰文

卽士元

字君胃中山人寶應元年選畿縣官詔試中書補渭南尉歷拾遺又鄂州刺史

裴說

天復六年登甲科按天復無六年乃天祐四年說為薛延珪侍郎下進士第一人禮部外郎

黃滔

字文江與化軍人光化中御史唐書云光化四門博士

周賀

初為僧曰清塞唐人詩云免滿期姚監蟬稀別塞公想姚合同時人也



馬載

字虞臣會昌中進士第太學博士太中初為太原李司空幕下掌書記以正言被斥貶朗州龍陽尉

石召

王勃

字子安絳州龍門人著作郎王福時之子三人勳勳勃皆有材名杜易簡稱為三珠樹勃高宗時對策高第末冠授朝散郎後補虢州參軍坐罪除名其父因左遷交趾令勃往坐度海溺水痿而死時年二十九

包佶

字幼正潤州延陵人集賢院太理司直包融之子擢進士第累官諫議大夫坐善元載貶嶺南劉晏起為汴東兩稅使晏罷以佶克諸道掠銀兩貨錢物使遷刑部侍郎改秘書監封丹陽公與已包何齊名世稱二包父融同二子并儲光義殷遙等十八人並有詩名殷璠彙次為丹陽集

孟賈

廣陵人江南野錄載周世宗幸廣陵賈以詩一集獻之釋褐授官

僧虛中

闕

儲光義

潤州延陵人天寶末為監察御史祿山反任偽官賊平貶死按唐書載兗州人開元進士及第又詔中書試文章歷監察御史祿山反陷賊自歸

綦毋潛

前南人字孝通開元中由宜壽尉入集賢院待制遷右拾遺終著作郎

韓愈

字退之鄆州南陽人唐書載其先蓋河東人年二十五於貞元八年壬申擢進士第張建封辟府推官遷監察御史貞元中貶山陽令元和初權知國子博士拜河南令遷虢方貞外郎再貶封溪尉復為博士遷刑部侍郎貶潮州刺史又改袁州刺史召拜國子祭酒穆宗轉吏部侍郎又為京兆尹兼御史大夫復為吏部侍郎韓文編年作長慶四年卒年五十七贈禮部尚書謚曰文唐書本傳作元和十四年卒年四十七

徐晶

開元十七年

鄭常

肅宗時人常有諷君漢陽至白沙阻雨題驛亭詩又高仲武云儒衣荷葉老野飯藥苗肥足見



丘園之趣也

喻鳧

字坦之，昆陵人，開成進士，第卒於烏程，令唐書作任，劉后村詩話作任蕃。

任蕃

景池

關

姚揆

劉方平

王貞白

號靈溪集

于良史

劉洵伯

為張徐州建封從事，問氣集稱侍御。北夢瑣言：洵伯與范鄴郎中為諸友，范嘗得二句云：歲暮天涯雨，久而莫屬。洵伯曰：何不

河南人，與元魯山善，不仕。那襄公政會之，後也。蕭穎士云：山東茂異，有河南劉方平，字有道，五舉禮部，登乾寧二年第，後七年始選授校書郎，薛能羅隱方干貫休同唱和詩。

自人生八外愁，范其賞之。洵作邵。

周繇

字為憲，池州人，登咸通進士第，以明皇夢鍾馗賦知名，調池之建德令，李昭象以詩送，日投文得往，而今少佩印還家，古所榮，弟繁亦工詩。按唐池州有至德縣，非建德也。五代人。

王周

僧皎然

詩式

暢當

河東人，進士，擢第貞元初，為太常博士，後以棗州刺史卒，與弟諸皆有詩名。

僧棲蟾

李敬方

關

孫欣

字中虔，登長慶進士第，太和初，歙州刺史，又台州刺史。



張鼎

關

戎昱

登進士第，衛伯玉鎮荆南，辟為從事。建中中，為辰虔二州刺史。京兆尹李鑾欲以女妻之，念改

姓昱 辭焉

姚倫

間氣集云：肅代時人，終揚州大都府曹參軍。

溫憲

負外庭筠子，信昭之間，就試有司，以交文，刺時毀朝士，抑而不錄，後榮陽公登大用，除趙崇知舉，謂曰：庭筠之子，幸勿遺也。於是成名。

增註唐賢絕句二體詩法卷之二

文陽 周 弼 伯弼 選

高安 釋 圓至 天隱 註

東嘉 裴 庾 季昌 增註

實接

伯弼曰：絕句之法，太抵以第三句為主，首尾率直而無婉曲者，此異時所以不及唐也。其法非惟久失其傳，人亦鮮能知之。以實事寓意，接則轉換有力，若斷而續，外振起而內不失於平妥，前後相應，雖止四句而涵蓄不盡之意焉。此其畧爾，詳而求之，玩味之久，自當有所得。

華清宮

驪山溫泉宮，太宗所建。玄宗天寶六載，改名華清宮。又於其間起老君殿。左朝元閣，右長生殿也。

增註

昭應縣驪山下古驪戎國，居於此，故名。地理志：太宗貞觀十一年營建御湯，名湯泉宮。高宗咸亨一年，名溫泉宮。明



皇天寶六年改爲華清宮北向正門曰津陽  
東曰開陽西曰望京南曰昭陽其中有瑤光  
殿飛霜殿九龍殿宜春亭朝元閣長生殿觀  
鼓樓重明閣芳風閣凡十八名又有石甕寺  
等華清宮治井爲湯池環山列宮室明皇雜  
錄云上新廣一湯制度宏麗安祿山自范陽  
獻玉魚龍鳧爲石梁石連華雕鏤猶妙上大  
悅命陳湯中每年冬十月行幸至明年春還  
官闕去卽與貴妃同輦華清有端正樓貴妃  
梳洗之處有蓮華湯貴妃澡沐之室置盥湯  
監隸司農寺監丞掌湯沅器物奏除供奉兩  
湯外別有更長湯十六所嬪御之類浴焉天  
寶十四年六月一日華清宮爲貴妃作生日  
其年十一月祿山反幽陵平原太守顏真卿  
遣李平問道奏時帝  
在華清反書聞失色

杜常

行盡江南數日程曉風殘月入華清  
華清自祿山亂後空宮希復巡幸故  
朝元閣上西風急  
朝元閣降聖閣也天寶七載老君降於朝其景如此

元閣敗日降聖閣程大昌雍錄曰長生殿齊殿也  
有事于朝元閣則齊沐於此殿蓋朝元閣乃祠玄  
元之都入長楊作雨聲  
漢武修之以備巡幸在蓋所

屋縣東南三十里風作雨聲皆空宮淒涼之象也  
此詩蓋譏玄宗惑於神仙之事與秦皇漢武同遺  
迹荒涼俱爲後人感慨之具長楊華清相去道里  
遼遠况秦漢舊宮至唐惟未央尚在長楊已不在  
乃詩人寓言以託諷耳王建華清宮亦云武帝自  
知身不死看修玉殿號長生其譏意亦同但不若  
此詩語意含蓄增註  
江南指蜀江之南自蜀望長安爲情景混融耳

宮詞增註

古今詩話云王建宮詞百首皆言宮  
中事史傳小說多所不載若溪詩話  
建宮詞凡百絕天下傳播此體  
者雖有數家而建爲之祖耳

金殿當頭紫閣重僊人掌上玉芙蓉

玉芙蓉玉盃也  
漢武故事曰上  
作承露盤僊人掌擎玉盃以取雲表之露和玉屑服  
之求不死三輔黃圖謂仙掌在甘泉宮通夫臺上按



古人挹注之器多作芙蓉，太平天子朝元日五色雲

如華清池中玉芙蓉是也。或作中者非。駕六龍。五色雲車也。郊祀

被服非象神神不至。乃作畫雲氣車。甲丙戊庚壬日

各以其色駕之。甘泉賦。白於是乘輿。乃登鳳凰兮翳

華芝。駟蒼螭。兮六素虬。注曰。六馬也。此篇乃全用甘

泉宮事。以刺世主。違禮而好怪。禮奇器。不入官君。不

乘奇車。况作非禮之器。為服食。以求不死。御鬼神之

車服。以活祀乎。辭惟序事。而譏自見。此杜元凱所謂

具文見意者也。人多以宮詞為情詩者。非也。按建官

詞百篇。有情者。有事者。有怨者。有刺者。指不一也。而

或者槩以情怨。增註。玉芙蓉。唐信春賦。芙蓉玉樹。武

說宮詞誤矣。增註。明皇雜錄。載上為皇孫嘗此武

攸暨。武后曰。此兒當為太平天子。又在藩嘗私

謁。方圓。圓撫其背。曰。五十年太平天子。可自愛。

吳姬增註。薛許昌元集。吳姬詩。共八首。此其一。

諸國之女。故婦人。義號。皆

稱。姬。後物。謂。衆。妾。為。姬。

薛能

自。身。自。作。是。三。千。第。一。名。皆。自。述。其。昔。日。才。寵。如。此。以。下

內。家。叢。裏。獨。分。明。謂。之。內。人。亦。曰。前。頭。人。其。家。在。教

坊。謂。之。芙蓉。殿。上。中。元。日。芙蓉。殿。在。曲江。水。拍。銀。盤。弄。化。生

唐。歲。時。紀。事。曰。七。夕。俗。以。蠟。作。嬰。兒。形。浮。水。中。以。為。戲。為。婦。人。宜。子。之。祥。謂。之。化。生。本。出。西。域。謂。之。摩。睺

羅。今。富。貴。家。猶。有。此。已。上。皆。自。述。昔。日。才。寵。如。此。此。詩。鑿。論。者。不。一。多。失。作。者。之。意。余。觀。薛。能。吳。姬。詞。凡

八。首。皆。以。女。自。喻。古。詩。多。有。此。體。如。妾。薄。命。之。類。是。也。蓋。能。早。負。才。名。自。謂。當。作。文。字。官。及。為。將。常。快。快。不。平。數。賦。詩。以。見。意。此。詩。乃。矜。其。少。增。註。內。家。天。子。日。才。望。之。盛。而。不。平。之。意。隱。然。言。外。增。註。內。家。天。子。內。又。為。大。內。化。生。金。剛。經。若。化。生。

已上共三首

伯勞立此而不著其說以余觀之其其句法相似或字面相同或第三句喚第四句者或不喚而第四句申其意者或純似景物



者或景物中有人者但第三句皆如是則聚  
為一類曰已上若干首其首尾三句則不必同而  
又必篇篇聲勢輕重相似其揣摩稱停用心之  
精可謂細入於心微非苟然者故不顯言其正且  
欲使觀者自得焉

### 歸鴈

錢起

瀟湘何事等閑回衡陽有回鴈峯水碧沙明兩岸苔

二十五絃彈夜月漢書黃帝使素女鼓五十絃琴瑟

不勝清怨却飛來瑟中有歸鴈操詩意謂瀟湘佳景

然汝却飛來乎又一說以二十五絃彈夜月為湘如

鼓瑟詩意謂瀟湘佳境雁不應回乃湘瑟之怨不可

### 逢賈島

張籍

僧房逢著欵冬華本草欵冬華注出雍州南山出寺

吟行日已斜島初為僧名無本此詩有僧房出十二

街中春雪遍鮑昭詩京馬蹄今去入誰家按張衡四

効楚詞以香草比君子以雪霏水深比小人此詩用

其休以欵冬華耐寒寂比島以春雪比小人以日斜

比時昏而傷已與島未知所託也杜云增註欵冬華

### 江南春增註

杜牧

千里鶯啼綠映紅水村山郭酒旗風南朝四百八十寺

多少樓臺烟雨中余觀本集此詩蓋牧之赴增註釋氏

載金陵舊來七百餘寺經侯

### 已上共三首



別李浦之京

王昌齡

故園今在灞陵西灞陵秦莊陽也文帝葬其上改曰灞陵在長安城東七十里江

畔逢君醉不迷漁獵者少年放逸之習而小人之事也弟鄰莊尚漁獵呼別業為莊一封

書寄數行啼憂其弟樂小人之事故在外以書戒之

繼以泣此仁人愛弟之情也孟子曰涕泣而道之也親之也此詩近之矣

題崔處士林亭

王維

綠樹重陰蓋四鄰青苔日厚自無塵科頭箕踞長松下

科頭不冠也管子寧云吾嘗曰朝科頭二晨晏起張耳傳高祖箕踞罵之注曰謂伸兩脚其形如箕白眼

看他世上人阮籍能為青白眼見增註科頭二字出史

不著地登入敵

楓橋夜泊增註

留氣集作夜泊松江○楓橋在蘇州吳縣西十里有楓樹故名

張繼

月落烏啼霜滿天江楓漁火對愁眠姑蘇城外寒山寺

夜半鐘聲到客船霜夜客中愁寂故怨鐘聲之大早

辭說者不解詩人活語乃以為實半夜故多曲說而不

知首句月落烏啼霜滿乃欲矚之候矣豈真半夜乎

子日周餘黎民靡有遺信斯言也是周無遺民

也故說詩者不以文害辭不以辭害志斯亦然矣

增註寒山寺方輿勝覽載楓橋寺在吳縣西十里即繫此詩

于後○半夜鐘王直方詩話及遜齋閑覽並記歐陽公

譏張繼夜半鐘聲到客船之詩以為句則佳矣其如

更不是撞鐘時乃云嘗過姑蘇宿一寺夜半聞鐘因問

寺僧皆云分夜鐘是怪乎又于鵲詩遙聽緱山半夜

鐘自樂天詩半夜鐘聲後皇甫冉詩夜半隔山鐘陳孔

詩隔水悠揚午夜鐘乃知歐陽偶未考耳



贈殷亮

殷亮陳郡人仕終刺史

戴叔倫

日日河邊見水流

傷春未已復悲秋

九辨曰悲哉秋之為氣也

山中

舊宅無人住

叔倫舊宅今饒州薦福寺是也

來往風塵共白頭

叔倫貞元中竟

為道士觀此詩見其雖處塵俗不忘山林

湘南即事增註

湘南屬長沙

盧橘華開楓葉衰

廣州記盧橘皮厚氣色大如柑離夏熟土人呼為壺橘

出門

何處望京師  
沉湘日夜東流去  
不為愁人在少時

得去故怨水之去所以深傷已不能去也蓋叔倫事曹王於湖湘故有是作秦少游謫郴州有詞云郴州幸自羨郴川為誰流增註盧橘即枇杷也○九帝王下瀟湘去正用此意所居之地為京師京大也師衆也言大衆之所聚會也○湘水源自全州湖嶺之間湘水貫之以瀟水合則為瀟湘以蒸水合則為

蒸湘以沅水合則為沅湘

送齊山人

韓翃

舊事仙人白兔公

抱朴子云白兔公彭祖弟字也

掉頭歸去又乘風

列子御風而行柴門流水依然在  
一路寒山萬木中

公或云赤松子之師常乘白兔往來人間○杜詩巢父掉頭不肯住注樵頭者於事不可之狀莊子鴻濛

拊髀爵羅掉頭曰吾弗知也

送元史君自楚移越

劉商

露冕行春向若耶

後漢郭賀為荊州刺史百姓歌曰厥德仁明郭喬卿帝賜三公之服

使賀去襜露冕令百姓見以彰有德後漢鄭弘為臨淮太守行春有白鹿當道夾轂而行若耶溪在越州

野人懷惠欲移家  
東風二月淮陰郡  
惟見棠梨一樹華



詩甘棠陸機草木疏曰棠棠梨也昔召公听訟於棠樹下民思其德不伐其棠此詩以召公比元也增註行春續會記太守常以春行縣勸課農桑賑救絕乏淮陰即唐楚州淮陰郡

竹枝詞解題見劉禹錫詩註增註本楚聲閩州男女多唱其流起於夜即竹節李涉

十二峰頭月欲低十二峰在夔州平山縣空零灘上子規啼空

孤舟一夜東歸客建溪在向春風憶建溪建溪在

香山館聽子規增註湘中別記云香山在縣郭西其水甚香昔年嘗貢此水民多困寶帶

楚塞餘春聽漸稀華陽風俗記杜鵑春至則鳴聞者有別離之苦斷猿今次讓

沾衣宜都山川記日峽中猿鳴行者歌曰巴東三峽猿鳴長悲猿鳴至三聲聞者淚沾衣者謂猿

雲埋老樹空山裏彷彿下聲一度飛雖悲入未若今夕子規尤悲也

增註楚塞指湘中蓋潭州古楚黔中地

長慶春

徐凝

山頭水色薄籠烟謂薄烟色如水遠客新愁長慶年長慶穆宗年號

身上五勞仍病酒陳無擇三因方日五勞乃五藏之勞如酒色致羸此名瘵疾令人多

天桃窓下背華眠誤以瘵為勞

宮詞二首

王建

金吾除夜進攤名應邵曰金吾也執金革以禦非常官

畫袴朱衣四隊行此章皆隋宮事隋用赤制冬冬晦選樂人二百四十人為攤赤幘袴衣赤

布袴以逐惡鬼于禁中其日戊夜三唱攤集上水院院

刻皇帝御殿攤入春秋皆攤冬八隊春秋四隊



燒燈如白日

南部新書曰除夜難入殿前殊熾熒煌如晝

沉香火底坐吹笙

續世說太宗問蕭后隋主何如后曰每除夜殿前設火山數十每一山焚沉香數車烟起數丈用沉香百餘萬太宗曰刺其增註職林秦中尉堂徽循京師備盜賊漢奢心服其盛武帝更名執金吾古今註金吾金輻棒也漢執金吾亦棒也以銅為之金塗爾末謂之金吾唐有左右金吾衛上將軍○月令季冬命有司大儺旁藥注此月有厲鬼將隨強陰出室入故旁藥於四方之門唐志太上季冬師偃于堂贈大儺天子六隊太子二隊方相氏左執盾道之唱十二神名以逐惡鬼鼓吹署令師鼓角以助偃市之唱偃音正

銀燭秋光冷畫屏輕羅小扇撲流螢玉階夜色涼如水

三輔黃圖曰明光殿玉階金甍

卧看牽牛織女星

曹植九詠註曰牽牛為夫織女為婦

二月星各居七月七日相會燭光屏冷情之所以生也撲螢以戲寫憂也卧觀牛女羨之也蓋怨女之情也增註穆天子傳穆王至崑崙山觀寶器有燭銀謂銀有光如燭○元集流螢作飛螢宿退錄載此詩乃杜牧之秋

多詩銀作紅玉作瑤

城西訪友人別墅

增註郊外聚

雍陶

澧水橋西小路斜

郭璞曰澧水出南陽

日高猶未到君家村園

門巷多相似處處春風枳殼華

增註澧水在澧州澧陽縣南水出衡

山枳似橘而多刺

貴池縣亭子

郡縣志貴池在池州梁昭明太子以其魚美封貴池

杜牧

勢比凌歊宋武臺

凌歊見七言註

分明百里遠帆開蜀江雪

浪西江滿強半春寒去卻來

增註笄家以有餘為強

送隱者

許渾

無媒逕路草蕭蕭負古星孫遠市朝公道世間惟白髮



貴人頭上不曾饒

### 送宋處士歸山

賣藥修琴歸去遲，山風吹盡桂華枝。

一本作吹落桂華時詠隱者多

言桂蓋本招隱所謂桂樹叢生兮山之幽蒼也

世間甲子須臾事

甲子六

老人曰臣生正月甲子四百四十五甲子矣

逢著僊人莫看棋

述與記晉王質伐木

至信安郡石室山見數童子圍棋與質一物如棗核含之不飢局未終斧柯爛盡既歸無復時人詩意謂

我世間人無久生之勢汝見僊人莫看棋恐出山時不見我矣

增註抱朴子云安期生賣藥海邊後世見之訖已千歲

### 秋思

琪樹西風枕簟秋

呂延濟曰琪樹玉樹也然圖經云建康府寶林寺有琪樹則謂樹綠如玉

楚雲湘水憶同遊，高歌一曲掩明鏡。昨日少年人，白頭

謂心少年之時如昨日今日頭白矣言老之易也非真謂昨日少年而今日白頭不可以辭害意此與夜半鐘聲法同

### 黃陵廟

李遠

黃陵廟前莎草春，黃陵女兒茜裙新。

茜草染紅草也輕舟短

棹唱歌去水遠，山長愁殺人。

增註茜，卽倩字，漢書千畝，危茜

### 贈彈箏人

風俗通云箏秦聲也或曰象恬所造五絃築聲并涼二州箏形如瑟

增註釋名箏施瓘高箏箏然

温庭筠

天寶年中事玉皇，曾將新曲教寧王。

玄宗兄開元四年封寧王鈿

蟬金鴈皆零落

劉禹錫云河南房處士得善箏人而天作傷殊行日玫瑰寶柱秋鴈行又

温庭筠詩銅箏絃絕鴈行稀蓋鈿蟬者箏飾金鴈者箏柱也

一曲伊州淚萬行



云天寶中西京節度蓋嘉  
運進北庭伊州榜蒲三曲  
入參差鴈○地理志伊州在燉煌太磧之外漢明帝始取伊吾盧地未為郡縣貞觀初內附乃置州○開元二十四年外胡部樂於堂上而天寶樂曲皆以邊地名若涼州伊州甘州熙州之類是也○開元傳信記云西涼州俗好音樂製新曲曰涼州開元中列士獻上召諸主便殿同觀曲終諸主賀舞蹈稱善獨寧王不拜上問之曰此曲雖嘉臣有聞焉夫音者始於官散於商成於角徵羽莫不根柢於官商斯曲也官離而少徵商亂而加暴臣聞官君也商臣也官不勝則君勢卑商有余則臣事僭卑則逼下僭則犯上發於忽微形於音聲臣恐播遷之禍悖逼之患兆於斯曲上默默然及祿山亂乃見寧王審音之妙

**韋曲**

韋杜二曲增註 在京兆城南韋家所居即漢未央殿基

**唐彦謙**

欲寫愁腸愧不才多情練漣已低摧窮郊二月初離別

**獨倚寒村嗅野梅**

此詩暗用王羲之之事羲之當晉亂終日燃華嗅香無言時人不會其意蓋憂晉亂也按唐史云彥謙乾符末河南北盜起兩都復沒旅於漢南為王重榮參佐光啓末重榮殺死所謂練漣低摧者也故末句憂思之意悠然見於辭諷之愈有味

**曲江春望**

西京雜記京城龍華寺南有流水屈曲謂之曲江秦時為宜春苑漢為樂遊苑唐開元中玄宗鑿池引水植華木為勝賞之地長安志曰在城東南昇道坊三輔黃圖各宜春下苑增註 唐康駢劇談曲江池本秦隍州開元中疏鑿遂為勝境南有紫雲樓芙蓉苑西有杏園慈恩寺象寺記水似廣陵曲江故名

**杏艷桃嬌奪晚霞樂遊無廟有年華**

關中記漢宣帝立廟曲江之北名曰樂遊廟因苑為名

**鄴宮**

魏所建石氏慕容氏高氏皆居之此詩用石氏事之

**陸龜蒙**

漢朝冠蓋皆陵墓十里宜春下死花



華飛蝶駭不愁入水殿雲廊別置春曉日靚粧千騎女

白櫻桃下紫綸巾張揖曰靚粧謂粉白黛黑也白櫻桃有實白者有華白者唐人

所賦如于武陵白櫻桃詩是也實白者如郭義恭廣志曰櫻桃有三種有白色多肥者是也官中多植櫻

閩鄉上居地理志陝州閩鄉縣去州四十里唐屬號州吳融

六載抽毫侍禁闈融昭宗時為翰林兼旨可堪衰病決然歸五

陵年少如相問五陵長陵安陵陽陵茂陵平陵阿對泉頭一布衣自註

何對是楊伯起家童嘗引泉灌蔬泉至今在之增註抽毫拔筆也魏魯殿中侍御史魯筆書過以記

不依法按吳融昭宗時遷累侍御史○禁闈漢制天子所居門閭有禁非侍御史之臣不得妄入宮中小門曰闈

尤溪道中尤溪縣在韓偓

水自潺湲日自斜李周翰曰潺湲流兒盡無雞犬有鳴鷓千村

萬落如寒食不見人烟空見華時泉州軍過後人家盡空致堯晚依王氏

見五年後之景如此已上共二十四首

丹陽送韋參軍增註職林有錄事六曹諸府及大司馬大將軍等參軍

嚴維

丹陽郭裏送行舟丹陽今鎮江一別心知兩地種心知猶

日晚江南望江北寒鴉飛盡水悠悠增註丹陽郡屬潤州

寒食荆楚歲時記清明前二日謂之寒食韓翃

春城無處不飛華寒食東風御柳斜日暮漢宮傳蠟燭



燭光以傳火元稹所謂時勅宮中許然燭是也唐輦下歲時記清明日取榆柳之火以賜近臣也

**青烟散入五侯家** 宦者傳桓帝封單超新豐侯徐璜侯唐衡汝陽侯五人同日為侯世謂五侯自是權歸宦者朝政日亂唐自肅代以來宦者權盛政之衰亂伴漢矣此詩蓋刺也本事詩謂增註詩話載德宗嘗司回奏有附韓翊帝日青烟散入五侯家韓翊也

**上陽宮** 在東都洛城外增註在東都禁苑之東上元中按史高宗調露元年幸東都司農卿韋弘機作上陽宮臨洛水為長廊直一里宮成上移御之御史狄仁傑劾奏弘機導上為奢泰免官神龍初武后失位亦徙居焉

**愁雲漠漠草離離大掖勾陳處處疑** 西都賦曰周以勾陳立王者法之以主行宮隋天文志勾陳六星在紫宮中故天子殿前亦有勾陳郊祀志武帝於建昌宮北治大池曰太夜一而

宮不應有大掖池然未央宮有漸臺而魯靈光亦有漸臺則上陽宮亦有天掖也

**薄暮毀垣春雨** 西征賦步殿裏垣今延行之殘華猶發萬年枝 方勺泊宅編云徽宗興

枝上太平雀為題無中程者或密扣中貴答日万年枝為青樹也太平雀類加鳥也

**贈楊鍊師** 唐六典云道士修行其德高思精謂之鍊師時人號為李鍊師則作鍊亦可

**鮑溶** 紫烟衣上繡春雲 唐代宗時李必乞為道士賜紫衣道士衣紫自此始

**清隱山書** 小篆文 太洞玉經云清隱書在九華宮中道書云碧篆之文紫庭之誥

**明月在天將鳳** 管 律曆志黃帝取於干解谷而吹之管以听鳳鳴其雄鳴為六雌鳴亦六

**夜深吹向玉晨君** 經曰太上大道玉晨君真誥曰太上者道之子孫即玉晨大道君也

**增註** 秦李斯作蒼頡篇取周史籀大篆為文為小篆

**和孫明府懷舊山** 明府縣令也

**雍陶**



五柳先生本在山

陶淵明門種五柳作五柳先生傳以自述淵明常為彭澤令故以此縣

偶然為客落人間秋來見月多歸思自起開籠放白鷗

蕭穎士白鷗賦序云白鷗羽族之奇處於雕籠致以馴馴將集長楊遊太掖予旅東陽適借至傳舍感而賦之其累日越水清今鏡色吳山遠今天碧與心賞今睽違念歸飛其何極詩意正類此謂已有山林之志拘而不遂猶白鷗困於籠故因已思歸起而縱之蓋穎士因物而感已  
**增註** 江州志淵明本居山南之此詩推已以及物異而同者也  
○白鷗釋文形似雉白華文而尾長

贈日東陸禪師

日東即日本也

鄭谷

故國無心渡海潮老禪方丈倚中條

唐顯慶中王玄策使西域至毘耶城

維摩室以手板縱橫量得十笏故名方丈中條山在河中府虞鄉縣

夜深雨絕松堂靜一點

山螢照寂寥

**增註** 維摩經毘耶離城中有長者維摩詰一丈之室能容三萬二千師子座無所妨礙

旅懷

杜荀鶴

月華星彩乘暎收嶽色江聲暗結愁半夜燈前十年事

一時和雨到心頭

已上共七首

寄別朱拾遺

劉長卿

天書遠召滄浪客

滄浪客謂逐臣也楚詞滄浪之水清兮可以濯我纓

幾度臨岐

病未能江海茫茫春欲遍行人一騎發金陵

金陵建康府楚

置金陵邑以地有王氣埋金鎮之或曰地接華陽金壇陵

題張道士山居

秦系

盤石垂蘿只是家回頭猶看五枝華

山海經曰王室山有木其華五枝

松間寂寂無烟火應服朝來一片霞

列仙傳陵陽子言春食朝霞夏食沆



漚增註五枝華道家打坐事  
見神仙傳有圖行世

寄李渤增註渤字濬之李涉之弟隱嵩  
岳少室山號少室山人  
張籍

五渡溪頭躑躅紅增註五渡溪在嵩山常建云仙人得道處蓋  
渤隱嵩山少室本草躑躅即杜鵑華羊

食則死見之躑躅以此得名  
嵩陽寺裡講時鐘春山處處行應好  
一

月看華到幾峰增註嵩陽有三十六峰  
躑躅華蜀人號日映山紅  
一名杜鵑華一名山石榴

南莊春晚  
李群玉

草暖沙長望去舟微茫烟浪向巴丘增註巴道志曰巴陵縣  
本漢下雋縣之巴

沉湘宋宋春歸盡水綠蘋香人自愁增註沅水出澧州入  
沅湘水出公

長溪秋思  
唐彦謙

柳短莎長溪水流雨微烟暝立溪頭寒鴉閃閃前山去

杜曲黃昏獨自愁  
已前共五首

隋宮增註煬帝自長安至楊州置離宮四  
十餘所詩意蓋指楊州者也  
鮑溶

柳塘烟起日西斜增註柳隋帝  
所種  
竹浦風回馬羸沙增註楊州謂  
之竹西

煬帝春遊古城在壞宮芳草滿人家

綺岫宮增註在東都永寧縣西  
五里頭慶三年置  
或曰唐後宮  
云在  
驪山漢武帝立玄宗

當行幸山光開  
王建

玉樓傾側粉墻空重疊青山遶故宮武帝去來紅袖盡

武帝謂玄宗也天子崩謚曰某有功德在上廟號曰某宗以  
為不遷之廟至漢猶然然則某宗者非謚也及唐則不論功  
德廟號皆曰某宗然臣稱其主猶或以尊號中最下一字曰某  
皇帝如則天稱太宗為文皇帝詩人稱玄帝為武皇帝是也至  
宋則直稱曰某宗  
野華黃蝶領春風  
無稱其皇帝者矣



送三藏歸西域增註

三藏乃西域三藏法師法苑義林載經律論為三藏

李洞

十萬里程多少難沙中彈舌授降龍

非公彈舌念梵語心經以授流沙之

龍五天到日應頭白

五天者東西南北中天竺也

月落長安半夜鐘

頭應白者程之遠也半

增註

五天則天竺之五印度謂

已前共三首

長信秋詞

漢班婕妤好大幸其後趙飛燕婕妤有寵婕妤好失寵飛燕譴之婕妤恐乃求共養

太后於長信宮也

王昌齡

奉帚平明金殿開

秦帚酒掃也按婕妤賦云奉其養於東宮今託長信之末流共酒掃於幃幄今

永終死

且將團扇共徘徊

婕妤團扇歌云常恐秋節至涼飈奪炎熱棄捐篋箠中恩情中

絕道玉顏不及寒鴉色猶帶昭陽日影來

飛燕傳成帝立為皇后寵少衰

弟絕幸為昭儀居昭陽舍詩意謂已與君隔不及寒鴉猶得承昭陽日影

增註

按元集奉帚作寶伏且作暫

吳城覽古

陳羽

吳王舊國水烟空

謂姑蘇

香徑無人蘭葉紅

西施採香徑在今靈岩寺

山之

春色似憐歌舞地年年先發館娃宮

館娃宮今靈巖寺是其地

江南意

于鵠

閑向江邊採白蘋還隨女伴賽江神

暗擲金錢上遠人

閑情

孟遲

山上有山歸不得

古樂府藁希何處去山上更安山謂出也

湘江暮雨鷓鴣

飛

客思所生也

藤蕪亦是王孫草

本草昔葉名藤蕪招隱曰王孫遊兮不歸春草生兮萋萋



莫送春香入客衣

曲江春草

鄭谷

華落江隄簇暖烟，雨餘草色遠相連。香輪莫輾青青破，

留與遊人一醉眠。

唐李紳歲時記上已賜宴曲江都人於江頭  
被飲踐踏青草日踏青此詩蓋即事發興

山路見華

崔魯

曉紅輕拆露香新，獨立空山冷咲春。春意自知無主惜，

恣風吹逐馬蹄塵。

已前共六首

逢入京使

岑參

故園東望路漫漫，雙袖龍鍾淚不乾。行不進自馬上，

相逢無紙筆，憑君傳語報平安。

增註 湖素雜記古有二  
聲合為一字者從

西域二合之音切字之原也龍鍾潦倒正如二合之音龍鍾切  
癘字潦倒切老字老羸癘疾即以龍鍾潦倒且之者此義也○  
酉陽雜俎李衛公言北都童子寺有  
竹一窠相傳寺綱維每日報竹平安

送客之上黨

韓翃

官柳青青匹馬嘶

陶侃傳都尉盜西門  
官柳官柳之名始此

回風暮雨入銅

鞮

銅鞮縣屬潞州大平  
與國二年置威勝軍佳期別在春山裏，應是人參五

葉齊

本草人參生上黨谷而老者不喘高麗  
人作人參齊曰三椹五葉其陽向陰

增註

今參本  
草云生

潞州太行山上圖經云初生小者一莖兩葉深生四椹各五葉  
狀類人兩莖入土如脚兩小莖垂下如手中有一身首有五葉  
象人有髮故曰人參  
又云參葉難得齊

病中遣妓

司空曙

萬事傷心在目前，一身憔悴對華眠。黃金用盡教歌舞，



留與他人樂少年

此詩文苑以爲韓混作

**增註**

漁隱叢話云富貴於人造物所

斬人至晚景得富貴不免置宅第舊妓妾以償平生之不足如白樂天多少朱門鎖空宅主人到老不曾歸司空曙黃金用盡教歌舞留與他人樂少年二詩令人愴然

華清宮

王建

酒慢高樓一百家宮前楊柳寺前華

風俗通曰尚書御史所正皆曰寺天

寶四載置百司於湯所故有寺內園分得温湯水

雍錄云温湯在驪山之北共臨潼縣一百五十

步貞觀八年營宮殿明皇改華清宮益治湯井與貴妃遊樂白樂天所謂賜浴華清池也二月中旬已進

瓜

作破者非瓜

唐置温湯監丞種瓜蔬隨時貢奉瓜夏熟者今從本集二月而進蓋譏明皇違時及物求口體奇巧之

奉以悅婦人杜牧華清詩云一騎紅塵妃子笑無人知道荔枝來亦譏以口腹勞人也或問子說佳矣奈二月非瓜時答曰惟驪山温湯地暖可人力爲之按衛宏古文奇字曰秦始皇密令人種瓜驪山研谷中實成使人上壽曰瓜冬有實乃詔諸生往

視因坑之失則温湯方冬已瓜矣何得三月

宣州開元寺

杜牧

松寺曾同一鶴樓

沉傳師爲宣州辟牧從事後又爲宣州判官此詩蓋再至時故作曰曾同夜

深臺殿月高低何人爲倚東樓柱爲倚猶言共倚也正是千

山雪漲溪

或謂月色高低如千山之雪者非也此詩乃雪後月露登樓孤賞思昔白之歡遊而歎今夕之無宿

詳味詞意情思殊甚首句所謂同鶴樓者恐是與婦人同宿託名鶴爾唐人多如此退之園華巷柳李商隱錦瑟韓翃章臺柳皆是也

**增註**東樓在州治東

山行

遠上寒山石徑斜白雲生處有人家停車坐愛楓林晚

霜葉紅於二月華

杜牧詩

卷之三



寄山僧

張喬

大道本來無所染，白雲那得有心期。遠公獨刻蓮華漏

猶向山中禮六時。

遠法師取銅葉製為蓮華漏，置盆中，水

沉為行

增註

廬山集云：遠法師下僧惠要者，患山中無刻漏，道之節。乃於木上五十十二葉，美葉因彼轉，以定十二時。

暑景無差，○佛經晝夜六時。

寄人

張佺

酷憐風月為多情，還到春時別恨生。倚柱尋思倍惆悵

一場春夢不分明。

已前共八首

過南隣花園

雍陶

莫怪頻過有酒家，多情長是惜年華。春風堪賞還堪恨

纔見開華又落華

宮詞

杜牧

監宮引出暫開門，隨例須朝不是恩。銀鑰卻收金鎖合

月明華落又黃昏。

增註：監官，官阿監。如嬪之老，者。

漢江

即馬真沔水，源出沔州貫興元，金洋至襄郢而入江。

溶溶漾漾白鷗飛，綠淨春深好染衣。南去北來人自老

夕陽長送釣船歸。

寄維揚故人

張喬

離別河邊縮柳條

古樂府有折楊柳，多言別離之意。

千山萬水玉人

遙

南史：謝晦謝混風流為江左第一。宋武帝曰：一時頓有兩玉人。

月明記得相尋處



城鎖東風十五橋

楊州有二十四橋

**增註**

晉衛玠乘羊車入市見者以為玉人○楊

州舊十五橋後二十五橋

逢

一作送者非今從弘秀集

友人之上都

肅宗上元元年以京兆為上都

僧法振

玉帛徵賢楚客稀猿啼相送武陵歸潮頭望入桃華去

一片春帆帶雨飛

**已前共五首**

山中

顧况

野人自愛山中宿况是葛洪丹井西

葛洪井所在有之此詩乃題越州雲

門六庭前有箇長松樹夜半子規來上啼

詩意謂本愛山中宿况仙

境之勝然不可留者以庭樹啼

**增註**

晉葛洪字稚川嘗為勾漏令出丹砂遂煉丹羅

浮尸解又宜州杭州皆有葛洪丹井

酬曹侍御過象縣見寄

柳宗元

破額山前碧玉流騷人遙駐木兰舟

騷人謂曹也述異記七里州中有晉

班列木蘭為舟至今在洲中詩家云木蘭舟出於此

春風無限瀟湘意欲採蘋華

採蘋華者喻自獻也左傳蘋蘩芣藻可羞於王公蓋

不自由

曹在湖湘暫過柳州象縣詩意謂欲自獻於曹懷意無限而拘於罪不自由也劉夢得詞云誰採蘋華寄取但目送蘭舟容與語意本此

宿武關

武關在商州商洛縣

**增註**

秦昭王會楚懷王開而囚之卒於秦即此

李涉

遠別秦城萬里游亂山高下入商州

商州有七般十關二繞其地險隘

門不鎖寒溪水一夜潺湲送客愁

題開聖寺



宿雨初收草木濃，群鴉飛散下堂鐘。  
長廊無事僧歸院，盡日門前獨看松。

宿虛白堂

李郢

秋月斜明虛白堂

杭州圖經云虛白堂在舊洛

寒蛩唧唧樹蒼蒼

江風徹曉不得寐，二十五聲秋點長。

晴景

王駕

雨前初見葉甫後，兼無葉底花。  
蛺蝶飛來過牆去

王荆公改飛來作紛紛

卻疑春色在隣家

社日

鵝湖山下稻粱肥

鵝湖在信州鉛山縣西南十五里昔有龔氏居山傍蓄鵝成群故曰鵝湖

穉雞時半掩扉

毛公曰鑿扉而棲雞曰扉

桑柘影斜秋社散，家家

扶得醉人歸

自河西歸山

河西合涼州

增註

唐羈縻州河西府屬諸胡十一府

司空圖

水澗風驚野路危，孤舟欲上更遲遲。  
鶴群長遶三珠樹

三珠樹山海經云在厭火國北生赤水樹上，有栢葉皆為珠。陶註：栢葉三珠樹注：淮南子：東北有玉樹如栢葉，皆為珠。又禹填洪水，掘地有珠樹。

不借閑人一隻騎

增註

野塘

韓偓

侵曉乘涼偶獨來，不因魚躍見萍開。  
捲荷忽發微風觸

瀉下清香露一盃

已前共九首



歲初喜皇甫侍御至增註侍御即嚴維

湖上新正逢故人精深應不誤家貧明朝別後門還掩  
脩竹千竿一老身

送魏十六

皇甫冉

清夜沉沉此送君陰蟄切切不堪聞顏延年詩陰蟄歸

舟明日昆陵道昆陵常州回首如燕是白雲增註狄仁傑見白雲

孤飛日吾親念此下

送王永

劉商

君去春山誰共遊鳥啼花落水空流如今送別臨溪水  
他日相思來水頭

醉楊八副使赴湖南見寄增註專又類聚載太宗時置招討使後以節度

兼支度管出招討經略使有副使判官各一人諸副使始此

劉禹錫

知逐征南冠楚材晉杜預為征南將軍以此正使楊為副使故逐也在傳楚雖有材皆實安用之

遠勞書信到陽臺陽臺巫山明朝若上君山望君山在岳州洞庭湖中

一道巴江自此來夢得時謫朗州巴江此峽經則然後至

逢鄭三遊山

盧仝

相逢之處置其其峭壁積峰千萬重他日期君何處好  
寒流石上一株松

重贈尚玲瓏兼寄樂天

元稹

休遣玲瓏唱我辭我辭多是尚君詩陸說云尚玲瓏為杭州歌者樂天作



郡日賦歌與之元微之在越厚幣邀至月餘使盡歌所唱之曲作詩送行兼寄藥天明朝又向江頭別

月落潮平是去時

採松華

姚合

擬服松華無處學嵩陽道士忽相教今朝試上高枝採

不覺傾翻仙鶴巢

哀孟寂

張籍

曲江院裏題名處慈恩寺也在曲江杏園唐韋處及第偶於慈恩寺雁塔題名後人效之遂成故事

十九人中最少年唐進士登科記孟寂乃中書舍人高事

今日風光君不見君不見者不見君也杏華零落

寺門前唐及第進士賜宴杏園

患眼

三年患眼今年較免與風光便隔生昨日韓家後園裏

看華猶自冰分明

感春

遠客悠悠任病身誰家池上交逢春明年各自東西去

此地看花是別人

西歸出斜谷

雍陶

行過險棧出褒斜褒斜谷在興元府涼州記日南日褒北日斜斜谷道至鳳州界百五十里有棧閣二千八百八十九間出盡平川似到家無復客愁

今日散馬頭初見米囊花本草米囊一名米囊陶嘗刺史簡州故有是作



宿嘉陵驛

嘉陵驛在利州

增註

嘉陵屬四川鳳州路江名山水志其源出大散關

離思茫茫正值秋每因風景卻生愁  
今宵難作刀州夢

晉王濬夢懸三刀於屋梁須臾又益一乃李毅曰三刀為州字也又益一乃者明府其臨益州果遷益州

月色

江聲共一樓

醉後題僧院

杜牧

觥船一掉

或作棹今從洪遂本

百分空

觥船酒盃一掉百分空者一舉無餘

十歲青

春不負公

古人多自稱曰公如公之類是也

今日鬢絲禪榻畔茶烟輕

颺落華風

增註 觥姑橫切釋文角為酒器受七外爵失禮詩兒觥其觥唐裴均僕射大宴巡官裴弘泰盡

座上小爵至觥船比飲皆竭即此字或作觥者非

經汾陽舊宅

郭子儀封汾陽王長安志郭汾陽宅在觀中里居其里四分之二

趙嘏

門前不改舊山河

漢書封功臣之誓曰使黃河如帶

破

虜曾輕馬伏波

馬援為伏波將軍言子儀平安史吐蕃之亂再造唐室伏波未足比也

今日

獨經歌舞地古槐疎冷夕陽多

張籍法雄寺東樓詩云汾陽舊宅今為寺德有

當晴歌舞樓四十年來車馬路古槐深巷暮蟬愁觀此則宅已為寺矣然所謂郭氏子孫富貴封爵至開成後猶不絕則其宅不應在貞元元和中已為寺也然郭曜傳云盧杞秉政多論奪郭氏田宅德宗稍聞乃詔曰子儀有大勳嘗植山河珠金石自今有司毋得受按此詔雖禁有司論奪未嘗以已奪者還之也豈宅為寺在此時乎夫以子儀之勳未寒而不保其室德宗待功臣何薄耶故此詩第一第二句深致意焉

十日菊

鄭谷

節去蜂愁蝶不知曉庭還繞折殘枝  
自緣今日人心別

未必秋香一夜衰



老圃堂

薛能

邵平瓜地接吾廬蕭何傳邵平故秦東陵侯秦破平為布衣種瓜城東瓜叟世謂東陵瓜  
穀雨乾時偶自鋤昨日春風欺不在就床吹落讀殘書

偶興

羅隱

逐隊隨行二十春曲江池畔避車塵唐進士賜宴曲江杏園隱屢舉不第

故曰避車塵馬之禍作也史謂隱屢舉不第唐亡依錢氏李振亦屢舉不第及佐朱溫篡唐盡收名士殺之白馬津曰此輩自謂清流可投之濁流得意人蓋指名士也詩意謂當時曲江池畔彼皆得意我二十年避其車塵豈料今日我以不第獨存乃及覓其受禍也第二三句贏得二字殊有意焉

如今贏得將衰老閑看人間得意人詳此詩蓋為白

韓三效

朱褒

魂歸溟漠魄歸泉只住人間十五年昨日施僧裙帶上

唐人三者遇凶口則以言者衣物施僧事見唐楊氏喪儀魂氣歸于天體魄復于地○琵琶胡中樂釋名推手向前且琵琶胡中

已上共十八首

送元二使安西安西都護府在龜茲武后所置增註唐安西郡即康居小君長

劉王故地貞觀中置安西都護府於四州又置安西都護

王維

渭城朝雨浥輕塵客舍青青柳色新渭城在咸陽東北故杜邨也勸

君更盡一盃酒西出陽關無故人輿地廣記陽關在沙州壽

昌縣西六里增註陽關漢於燉煌郡龍勒驛作陽關王門關唐龐

右道沙州燉煌郡壽昌縣西有陽關西此有二門關王維此詩後人因以聲曲歌之謂之陽關曲按東城詩話云舊傳陽關三疊今世歌者每句再疊而已若通下首言之又



是四疊皆非是或每句三唱以應三疊之說則叢然無復節奏  
余在密州有文勛官長者以事至密自云得古本陽關其聲宛  
轉凄斷不類向之所聞每句皆再唱而第十句不疊乃知古本  
三疊蓋如此及在黃州偶讀樂天對酒詩云相逢且莫推辭醉  
所唱陽關第四聲注云第四聲勸君更盡一杯酒以此驗之若  
第十句再疊則此句為第五句今為第四句則第一句不疊審矣

三月晦日贈劉評事

增註 職林評事屬大理卿漢  
置廷平堂平反訟獄魏

晉以來謂之延尉評置評事  
後廢唐復置今大理寺有評事

賈島

三月正當三十日風光別我苦吟身共君今夜不須

曉未到曉鐘猶是春

增註 風光元作春光  
曉鐘元作五更

武昌阻風

方澤

江上春風留客舟無窮歸思滿東流與君盡日別臨水

貪看飛華忘却愁

已亥歲

廣明元年 增註 披唐二百八十九年間有已亥  
元年 武后聖曆二年已亥肅宗乾元二

年已亥憲宗元和十四年已亥此已亥歲詩以詩人  
曹松之時攷之當是僖宗乾符六年按更是歲冬黃  
巢在嶺南士卒疫死什三四其徒勸之北還以圖大  
事十一月北趨襄陽山南東道節度使劉巨容與江西  
招討使曹全晷合兵拒破乘勝逐至江陵或勸巨容  
窮追賊可盡也巨容曰國家幸甚人有志則存撫將  
士不愛官賞事寧則棄之或更得罪不若留賊以為  
富貴之資眾乃止由是賊勢復振轉掠饒信池宣歙  
杞等十五州眾至二十方明年陷東京  
遂入長安僭號大齊改元金統車駕幸蜀 曹松

澤國江山入戰圖

增註 時巢賊  
亂江淮

生民何計樂樵蕪

增註 史記樵  
蕪後蔡

憑君莫話封侯事一將功成萬骨枯

增註 澤國一作南  
國指黃巢所

掠荆楚江淮析右等處○此詩末二句  
恐指劉巨容所謂以賊為富貴之資也

已前共四首

虛接

周弼曰謂第三句以虛語接前一句也亦有語雖實  
而意虛者於承接之間畧加轉換反與正相依順與



遙相應一呼一喚官商自諧如用千鈞之力而不見形迹纏而尋之有餘味矣

伏翼西洞送人增註

漳川府路長寧軍冷水溪上有小桃源在伏翼之西

陳羽

洞裏春情華正開，看華出洞幾時回。慙慙好去武陵客

莫引世人相逐來

桃源源記大康武陵人捕魚行溪忘遠近忽見桃華夾岸云秦時避世至此既出復尋路迷其所矣

題明慧上人房

秦系

簷前朝暮雨添華，八十吳僧飯熟麻。入定幾時還出定

不知巢燕汚袈裟增註

本草胡麻一名巨勝狀如狗虫莖片服之輕身不老

寄許鍊師

戎昱

掃石焚香禮碧空，露華偏濕蕊珠宮

黃庭經云仙宮有寥陽之殿蕊珠之宮

如何說得天壇上，萬里無雲月正中增註

呂洞真詩鶴觀

天壇槐影裏稍無火迹戶長扃又天壇山名在河東南路平陽府北界

秋思

張籍

洛陽城裏見秋風，欲作家書意萬重。復恐忽忽說不盡

行人臨發又開封

懷吳中馮秀才

杜牧

長洲苑外草蕭蕭

家字記蘓洲長洲縣吳長洲苑也圖經曰在西南七十里孟康曰以江水洲為

却笑遊程歲月遙，唯有別時今不忘。暮烟秋雨過

楓橋



念昔遊

李白題詩水西寺

水西寺在宣洲涇縣

古木回巖樓閣風半醒

半醉遊三百紅白華開烟雨中

寄友

李群玉

野水晴山雪後時獨行村路更相思無因一向溪橋醉

處處寒梅映酒旗

經賈島墓

島為普州司戶卒墓在遂州長江縣

鄭谷

水繞荒墳縣路斜耕人訝我久咨嗟重來兼恐無尋處

落日風吹鼓子華

鼓子華今米祥根華或以為牽牛華者非也按本草牽牛華如鼓子華明

牽牛非鼓子也詩意謂特今日落日風華可吊恐重到時兼無尋處矣所以又嗟

修史亭

司空圖山居記曰中條丘逢峯頗然會昌殿佛宮西為我有本名于官谷易之曰禎陵溪

乃刻大悲像構亭其右曰擬繪志其所著也擬繪之右高曰修史助所職也

司空圖

烏紗巾上是青天

指巾上之天以自誓

檢束酬知四十年

檢束此身

以酬知已按此夢墳言圖為王文公疑所知後分司又為舊相盧公所

誰料平生簪鴈掌

張文左出獵左

挑燈自送佛前錢

詩意謂四十年中欲以功名答知也天可質也

誰料豪俠之志無所施遂灰心以修於外香火之事乎

答韋丹增註

韋丹字文明京兆万年人孤從外祖頗真卿學權明經調安遠今後復舉五

經高祖歷仕至江南西道觀察使卒年五十八

僧靈徹

年老心閑無外事塵衣草坐赤容身相逢盡道休官去

林下何曾見一人

丹鎮江西嘗以詩寄徹云王事紛紛無暇自浮生冉冉只如雲已為平子



歸休計五羊峯前必共君微公此答蓋幾其增註王直方詩話內懷祿外能言耳後丹竟失位以待禘憂死增註云此詩載於雲溪友議歐陽公以謂相傳作俚諺慶曆中因修江岸得此石於池陽江中始知為靈徹詩

### 已前共二十首

### 九日懷山東兄弟增註

坡山東二百郡注今河北晉地太行山之東也

王維

獨在異鄉為異客每逢佳節倍思親遙知兄弟登高處

續齊諸志費長房謂桓景九月九日汝家有災急令家人縫絳囊盛茱萸黃紙權上登高飲菊華酒此禍乃消九日登高起於此遍種茱萸少一人舊史稱維關門友憐事世孝觀

### 葉道士山房

顧況

水邊楊柳赤欄橋洞裏神仙碧玉簫近得麻姑書信否

顏魯公麻姑壇記王方平過蔡經家遣人與麻姑相聞有壇人夾日麻姑再拜不見已五百餘年麻姑至乃是年十八九許好溥陽向上不通潮潮至溥陽而開詩意謂道

### 病昭應壇增註

唐閩內道京兆府昭應縣

武帝祈靈太乙壇

武帝謂玄宗漢書霍人繆忌奏祠太乙方天子許之吟太祝頌祠之於忌太乙

新豐樹色遶千官

驪山古驪戎國秦曰驪邑漢祖從里民實之命曰新豐玄宗分置會昌縣

那知今夜長生殿

見杜常詩註

獨閉空山月影

寒意與杜常華增註

漢書新豐在京兆高祖七年置應昭日太

上皇思東歸沛之豐邑於是高祖改築城

寺街里以象曹徒豐民以實之故曰新豐○澗泉說云昭應即漢武帝太子增也愚按唐昭應縣在驪山下本新豐華清宮在此天寶元年更驪山曰會昌山三年以縣去官更稱新豐九年會昌縣七年省新豐更會昌縣及山曰昭應恐非制武帝太乙壇也



江村即事

司空曙

罷釣歸來不繫船，江村月落正堪眠。縱然一夜風吹去，只在蘆花淺水邊。

宮人斜

苑中宮人之處也。退朝錄及秦京雜記並云：長安舊宮城外長三里，日宮人斜，風雨夜多聞歌哭聲。

增註

後宮嬪妃，叢家，日斜。

雍裕之

幾多紅粉委黃泥，野鳥如歌又似啼。應有春魂化為燕，

年年飛入未央棲。

未央宮，高祖七年蕭何造。

增註

杜詩：杜陵野寺，曲未央前。

過春秋峽增註

或云在彭城，以汴泗水交流，因以名峽。

劉言史

峭壁蒼蒼碧色新，無風晴景自勝春。不知何樹作春處，

幽屋裏臘月開華似北人。

似者呈似之似，猶言向也。言史北人，南遊見景。

族之異，不能無感。劉長卿云：江華獨向北人愁。亦同此意。但用破愁字，則不吝替有餘味矣。

初入諫司喜家室增註

秦始置諫院，又置諫大夫，漢至隋置，置御史大夫。

復置負觀，分為左右，又武右置左右，備闕左右，拾遺以掌供奉諫諍，即左右可諫之官。今諫院有可諫字，官按書，其稱德宗朝，當為左拾遺。

竇群

一旦悲歡見孟光

隱士梁鴻妻字孟光。

十年辛苦伴滄浪，不知

筆硯緣封事

王朱日言事，欲

猶問備書日幾行

後魏蔡亮家貧

備書自給詩，意謂吾妻不知我，今已有官守，言其猶以貧賤時視我，蓋群初為處士，隱昆陵，草夏卿以正園茂興，薦之，不報。至夏卿尹京，復薦友拜拾遺御史，此妻所以十年辛苦伴滄浪也。然群處士而以窮通為悲歡，纔得一拾遺，則對妻誇喜，情見於辭，夫豈真隱者邪？增註：後漢孟光德行甚高，隣里多求光，宜未路以反覆，畏死也。增註：輒不肯擇對，至三十，父母問其故，曰：得賢如梁伯鸞者，可也。鴻聞而娶之，字曰德耀，世隱，謂陵山。



寄襄陽章老棟增註

襄水之陽魏置襄陽郡西晉為荊州治所西魏改襄州唐

山南道襄州襄陽郡宋外府今屬京西路

雍陶

青油幕下白雲邊

宋劉禹與顏竣書曰朱脩之三代叛兵朝居青油幕下作謝宣明何入注青

油幕謂將幕也以青油練為之襄陽乃節度府舊標時為從事

日日空山夜夜泉聞說小

齋多野意秋華陰裏麝香眠

杜詩麝香眠石竹注增註日鹿也又日鳥名也

漢衛青征匈奴大克帝即幕下拜大將軍今幕下所屬官謂之幟官蓋始於此韓詩談笑青油幕

舊宮人

劉得仁

白髮宮娃不解悲滿頭猶自插華枝  
綠玉貌君王寵

準擬人看似舊時

小樓

儲嗣宗

松杉風外亂山青  
曲几焚香對石屏  
記得去年春雨後

燕泥時污太玄經

楊維作太玄經

宮詞

王建

樹頭樹底覓殘紅  
一片西飛一片東  
即是桃花入結子

錯教人恨五更風

此篇蓋此而興也殘紅色衰也東西分飛君與已相背也食暮也猶子有

寵有成也五更風君心之飄忽也詩意謂彼我不會結子而入宮則安有今日之愁不可恨君也色衰寵去矣然惟自咎其初心不以怨君厚之至也荆公甚愛此詩

祇役遇風謝湖中春色

熊孺登

水生風熟布帆新

顧愷之嘗借般仲堪布帆遭風大敗憚之與仲堪書曰行人安穩布帆無恙

只見公程不見春  
應被白華撩亂笑  
比來天地一閑人



過勤政樓玄宗於宮西置樓其西曰華萼相輝之樓南曰政務本之樓雜錄云勤政樓臨朱雀東第

杜牧

千秋佳節名空在承露絲囊世已無玄宗紀以降誕日手以九月十五為千秋節

唯有紫苔偏稱意拾遺猶年

年因雨上金鋪三輔黃圖注曰金鋪者扉上有金華

送客

李群玉

沅水羅紋海燕回沅水在辰州沅陵西柳條牽恨到荆臺荆臺在江

陵府楚主遊荆臺即此也定知行路春秋裏故郢城邊見落梅杜佑通典

靈巖寺增註方輿勝覽云靈巖山在蘇州城西二十四里又名視石山吳王別苑在焉有館娃

官又云靈巖寺在吳縣西南二十里舊名秀峯寺

趙嘏

館娃宮畔千年寺按孫觀記梁太監中以吳

客到稀聞說春來倍惆悵故館在官地為靈巖寺白華深處一僧歸水澗雲多

柳枝增註

按薛能全集柳枝詞序云乾符五年為許州刺史與僕中談看柳飲醋於郡閣因令部妓少女作楊柳枝健舞復賦其詞允可聽者為五絕名楊柳枝新造此也

薛能

和風烟雨九重城夾路春陰十萬營細柳原在長安縣西北周亞夫營

惟向邊頭不堪望一株憔悴少人行其地今軍營比自柳

自遣

自注云自遣詩者震澤別業之作故病未平厭厭用甲舍中農夫以耒耜相語夜分不睡自端興懷思益無緒因作四句詩累三十絕

陸龜蒙

數尺遊絲墮碧空年年長是惹春風爭知天上無人在



亦有春愁鶴髮翁

意謂遊絲者天上愁人自髮墮也此蓋放言自造非有實事觀題及自注

**增註**

庾信賦元老矣鶴髮雞皮杜詩清秋鶴髮翁

華陽巾

巾譜云始於陶隱居

蓮華峰下得佳名

蓮華峰在華山

雲褐相兼上鶴翎須是吉

壇秋霽後靜焚香煙禮寒星

**增註**華山頂有千葉蓮華服之羽化

秋色

吳融

葉

深不成乾葉未消霏霏拂又迢迢曾從建葉城邊過

已前共二十九首

醉李穆增註

李穆即劉長卿之婿

劉長卿

孤舟相訪至天涯萬轉雲山路更餘欲拂柴門迎遠客

青苔黃葉滿貧家

李穆有詩桐房寄劉自外云處處雲山無盡時桐廬南望更乘差舟人草

道新安近欲上潺湲行自遲故長卿以此答之時長卿在歙

休日訪人不遇

**增註**休沐也漢制五日一休沐又暇日曰休

韋應物

九月驅馳白閑尋君不遇又空還怪來詩思清人骨

門對寒流雪滿山

湘江夜汎

熊孺登

江流如箭月如弓行盡三湘數夜中無奈子規啼向蜀

一聲聲似怨春風

成都記蜀望帝死化爲鳥名杜鵑声低怨

贈侯山人

一見清容極素開有人傳是紫陽君

大魏君傳有云紫陽左公天極仙伯



山女卿同義山來時玉女裁春服剪破湘山幾處雲  
皆號紫陽真人在泉州郡治後

### 寫情

李益

水紋珍簫思悠悠千里佳期一夕休從此無心愛良夜  
任他明月下西樓舊唐書語益有痴疾故展扇戶以防妻妾

### 竹枝詞

集中竹枝詞引日余來建平中兒聯歌竹枝吹笛擊鼓以赴節令思宛轉有淇奥之艷故余

作竹枝辭按禹錫傳憲宗立王叔文等敗禹錫貶明

州司馬州按夜即諸夷風俗陋甚家喜巫鬼每祠歌竹枝鼓吹裴回其聲儉俗禹錫謂屈原居沅湘間作九歌使楚人以迎送神乃倚其聲作竹枝詞十餘篇於是武陵夷但悉歌之

劉禹錫

日出三竿春霧消江頭蜀客繫蘭橈欲寄在大書一紙

家住成都萬里橋

萬里橋在浣花溪東昔諸葛孔明送吳使至此日方里之行從此始矣因

得增註

南齊天文志日出三竿其色黃赤暈坡詩酒醒門外三竿日

### 聽舊宮人穆氏歌

曾隨織女渡天河

齊諧志佳陽城武十謂其弟曰七月七日織女當渡河吾問已被否此詩借用

記得雲間第一歌休唱貞元供奉曲

貞元德宗年號當時朝

士已無多

夢得貞元時人仕元和初識三十四年左歸故有是語

### 訪隱者不遇

竇華

籬外涓涓澗水流  
檉華半照夕陽收  
欲題名字知相訪  
又恐芭蕉不耐種

古人多喜種芭蕉葉如懷素種芭蕉供書是也

### 重過文上人院

李涉



南隨越鳥北燕鴻松月三年別遠公以遠公此無限  
心中不平事一宵清話又成空

題鶴林寺在鎮江

終日昏昏醉夢間忽聞春盡強登山因過竹院逢僧話  
又得浮生半日閑鶴林寺在潤州黃鶴山舊名竹林寺宋高祖常遊此寺有黃鶴飛因以名

宮詞

李商隱

君恩如水向東流在而不還得寵憂移失寵愁莫向樽前  
奏華落古樂府有梅華落曲其詞云念爾零落逐風飈徒有霜華無霜實涼風只在殿西

頭班婕妤云切恐涼風至吹我玉階樹君上恩未畢零落在中  
路蓋以涼風喻寵衰而冷落此時用之殿西頭者言近而易至也

將赴吳興登樂遊原吳興統絕歸命侯贊鼎元年分吳郡立吳興郡杜牧

清時有味是無能閑愛孤雲靜愛僧欲把一麾江海去

願延年詩屢薦不入官一麾乃出守麾斥也自此詩誤以旌麾之麾至今襲其誤樂遊原上望昭陵  
昭陵在醴泉縣西太宗所葬西京記唐太平公主於樂遊原上置亭以望舊史云牧自負才更兄悰隆盛於時而牧居下位心常不樂望昭陵者不得志於時而思明君之世蓋怨也首言清時又辭也

鄭瓘協律瓘乃虞之孫增註事文類聚漢置協律都尉為協律郎音改協律校尉後魏有

協律郎唐協律郎二人今太常亦置此官六典載業和六律六呂以辨四時之氣八風五音之節若祭祀燕享奏樂于庭則外堂執麾以為之節制與麾鼓柷而樂作假麾曼鼓而樂止

廣文遺韻鄭廣文館博士杜甫云鄭公舊散騷成絳此用之謂瓘猶有乃祖傳散遺

雞犬圖書異一船自說江湖不歸事阻風中酒過

年年增註莊子云吾有大木人謂之樗曲榘絜其大蔽牛匠右曰散才魏徐邈字景山為尚書郎時飲酒



贈魏三十七

李群玉

名堪似玉滄無瑕美譽芳色有數車莫放燄光高二丈

唐遺史云江淮間術士姓吳有赴宏詞者謂之術士曰公頭上燄光高二丈必登高第 來年燒殺杏

**園華** 唐進士及第 **增註** 秦中記唐進士杏園初會謂之探名園若他人先折得名華則

上三人被罰杏園在曲江

湘妃廟

少將風月怨平湖 謂二女從舜不及沅湘而死故怨平湖風月也 見盡扶桑水

到枯 十州記扶桑在碧海中央見扶桑之枯者猶麻姑三見海為母之意 相約杏華壇上去

畫欄紅紫閨楊蒲 楊蒲散子博也范攄雲溪友議曰李群玉題相如廟見二女曰二年當與君為雲雨之遊段成式戲之曰不意足下是虞舜之辟陽侯劉潛天云古人叙昔遇之事猶託之他人如元稹鶯鶯託之張生至生

僧孺周秦行記李群玉黃陵廟詩則直攬鏡已各檢掃地矣

增註

十州記碧海中樹長千尺一千餘圍而兩縣同

根更相依倚是以名扶桑淮南子曰拂于扶桑是謂晨明

已前共十五首

○用事

周禮日詩中用事既易室塞况於三十八字之間尤難堆疊若不融化以事為意更加以輕率則勝於里語所甚歌可擊竹而誦矣凡此皆用事之妙者也

秋日過負太祝林園增註

太祝本秦秦常官漢景帝更名太祝按唐自官志太祝六人掌出納神玉及祀則跪讀祝文今太常寺有太祝

李涉

望水尋山一里餘竹林斜到地僊居 晉康與七賢遊於東北五十里崇明寺是其地顧愷之曰鮑融通靈士也徐寧師之夜聞琴怪聞之觀曰叔夜寧曰誓留命東印何得在此觀曰叔夜迹示終而實尸解故此詩謂之地仙蓋以中散比資 秋光何處堪消負玄晏先生

詩謂之地仙蓋以中散比資



滿架書

皇甫謚號玄晏先生，好讀書，人謂之書淫。土遊於名山，謂之地仙。下土先死，後脫頭之尸解。

**增註**

抱朴子按仙經云：上土舉形，身虛謂之天仙。中

### 長安作

宵分獨坐到天明，又策羸驂信脚行。每百除書雖滿紙，

不曾聞有介推名。

左傳介之推不

奉誠園聞笛

唐史馬燧之子暢以第出，大杏餉寶文

中使封杏樹，暢懼進宅為奉誠園，雜錄云在安邑坊內。

### 寶牟

曾絕朱纓吐錦茵

司馬彪戰畧曰：楚莊王賜群臣酒，日暮燭滅，有客引美人衣，美人絕其纓，告以王

取火，視絕纓者，王曰：今已飲，不絕纓者，不權君臣百官皆絕纓，然後出火。漢丙吉御史，醉鳴車上，曹吏白，斥之，吉曰：象恐之，不過污丞相，欲披荒草，訪遺塵，秋風忽灑，西園淚。

王置西園於荆與諸才子夜遊賦詩，故劉楨於王夫後作詩云：步出北寺門，遙望西苑園，乖人易感動，滄下與袪連。

**滿目**

山陽笛裏人

向秀思舊職序曰：余與嵇康居安，居止相近，後追思曩昔宴遊之好，感音而歎。山陽今懷州，修武縣，舊史謂馬

暢自父死，後屢為豪幸，邀取才產，末年妻子凍餒無望，可居余觀，德宗播越，非馬遂幾亡，不能郵其孤，又奪其財，業使之失所。此故史之所以傷也。通鑑載大曆十四年，德宗初即位，疾將師治第，奢麗命毀馬璘第，乃命馬氏獻其園為奉誠園者，誤也。按新舊史皆言奉誠為馬暢園，盧氏雜記亦云：馬燧宅為奉誠園，而舊史載其本末，尤詳璘家所獻乃山池也。通鑑誤以山池為奉誠耳。

### 冬夜寓懷寄王翰林增註

翰林學士前代無之，唐承平時工藝書畫之徒

待詔翰林，後不彙賢，李士草書詔在翰

### 寶庠

滿地霜蕪葉下枝，幾回吟斷四愁詩。

張衡作四愁詩，皆懷賢之意。

漢

家若欲論封禪須及相，如未病時

史記天子日相如病甚，可得志，取其書使



所忠往相如已死家無遺書毒日長卿未死時為書一卷曰存使來求矣之言封禪事所忠以奏天子異之余謂封禪秦漢心後既非古禮而相如至死不忘獻謏夫豈忠臣而甘以自比或以比入此唐儒之陋也韓退之亦上表勸封禪又數言謂秦相如退之儒宗猶增註漢郊祀志齊人丁公曰封禪者古祭祀之爾如庠何議焉增註各也又錄上曰封禪地曰禪古者巡狩至于四岳則封大山而祭于四岳則封大山而祭山川

### 焚書坑

在驪山始皇焚增註按始皇三十四年李斯書坑儒於此增註上書云云今諸生不師

今而學古以非當世或亂黔首臣請史官非秦記皆燒之天下有藏詩書百家語者皆守尉雜燒之又盧生侯生謀曰始皇剛戾不可求仙乃亡去始皇怒按之四百六十餘人坑之咸陽又始皇密令種瓜驪山研谷瓜冬實詔諸生往視為伏機填之以土比自壓死

### 章碣

### 竹帛烟消帝業虛

古以竹帛為書後漢方用紙

### 關河空鎖祖龍居

史記明牛祖龍死樵林曰祖始也龍君象謂秦始皇死

### 坑灰未冷山東亂劉項元來

### 不讀書

陳勝起亂發山東劉項繼之遂滅秦高祖云馬上安事詩書項羽亦云書足記姓名而已不尚學一公皆不讀書

不讀書者也

增註撫昔年舊見

### 赤壁

在鄂州蒲圻縣西北百二十里

### 增註

赤壁在鄂州江夏蒲圻西即周瑜焚曹公船處今江漢間言赤壁者五漢陽漢川黃州嘉魚江夏惟江夏之說為近東坡赤壁賦乃黃州之赤壁故云此非曹孟德之困於周郎者乎

### 杜牧

### 折戟沉沙鐵半銷自將磨洗認前朝東風不與周郎便

### 銅雀春深鎖二喬

吳周瑜傳年二十四吳中呼為周郎孫策攻皖得喬女二女皆國色策納大喬瑜納小喬又瑜與曹遇於赤壁曹公在北岸瑜在南岸瑜將黃蓋以船載薪燒北船時東南風急北船燒盡曹公敗走又曹公作銅雀臺於鄴置妓其上詩意謂非東風助順則瑜不能勝家必為虜矣

### 增註

許彥周詩話云牧之赤壁詩意謂若不縱火即為曹公奪二喬置銅雀臺之上又云孫氏霸業繫此一戰社稷存亡生靈塗炭都不問只恐捉二喬可見措

謂若不縱火即為曹公奪二喬置銅雀臺之上又云孫氏霸業繫此一戰社稷存亡生靈塗炭都不問只恐捉二喬可見措



大不識  
好惡

### 秦淮

秦淮水在建康秦望氣者言江東有天子氣故盤斷地脉方山是其斷處木為秦淮

烟籠寒水月籠沙夜泊秦淮近酒家商女不知亡國恨

隔江猶唱後庭華

陳後主作玉樹後庭華之曲聞者流下後為隋所滅

**增註**

淵泉

說云隋亡有伶侶曲陳亡有後庭華皆亡國之音也商女樂聲隨舊俗妖淫哀思不知為亡國之音此詩有開涉聖賢不欲聞桑間濮上之音晉趙孟不願聞牆有茨之詩也

### 漢宮

### 李商隱

青雀西飛竟未回

漢武故事七月七日上於承華殿齋忽有青鳥從西方來上問東方朔朔曰此

西王母欲來有須王母至及去許帝以三年後復來後竟不來

君王長在集靈臺

黃圖云集靈宮

通天臺在華陰縣界武帝所造

侍臣最有相如渴

司馬相如口吃有消渴疾

不賜金

芝露

服玉屑以求不死者也詩意謂方士妄言君主惑而不悟若食露果可不死相如最渴何不以此試之然則信否見矣

### 賈生

宣室求賢訪逐臣

宣室未央前殿正室

賈生才調更無倫

可憐

夜半虛前席不問蒼生問鬼神

漢賈誼謫為長沙傳歲餘帝思之徵入見上方

坐宣室受驚因感鬼神之事而問之誼具道所以至半夜文帝前席

**增註**

前席促席近聽誼言也

### 集靈臺

集靈臺玄宗所作雜錄云在華清宮中非漢集靈宮中之臺也

### 張祐

號國夫人承主息平明騎馬入金門

楊妃外傳妃有三姨韓國號國秦國

三夫人又明皇雜錄號國常乘駝馬入金門金馬門也

卻嫌脂粉污顏色

淡掃蛾眉

朝至尊

楊妃外傳號國夫人不施朱粉自有美艷常素面朝天

**增註**

詩螭首蛾眉注



長○此篇係杜工部詩即以魏國夫人  
為題騎馬作上馬金門作宮門汚作泥

遊嘉陵後溪

增註

西川鳳州路  
嘉陵溪也

薛能

山屐經過滿徑蹤

宋謝靈運常著木屐上山則去後齒  
則去前齒下山則去後齒

夕陽春

淮南子曰日經于隅泉是謂高春起于  
連左是謂下春薄於虞泉是謂黃昏

當時諸身

成何事只合終身作卧龍

諸葛初隱草廬徐庶謂之卧龍  
後相蜀能性傲誕其題詩筆墨

自注云余為蜀從事常薄武侯非王佐才故有是題此章意  
亦同然能後鎮彭門廣順初軍亂殺死則武侯未可薄也

增

註鶴林玉露載薛能詩云云能之論非也孔明之出雖不能掃  
清中原吹火德之灰然伸討賊之義盡託孤之責以教万世

之為人臣者安得  
謂之成何事哉

已前共十一首

○前對

周弼曰按句兼備虛實兩体但前句作對而其接  
亦微有異焉相失僅一間特在乎稱停之間耳

山店

盧綸

登登山路何時盡  
决决溪泉到處聞  
風動葉聲山犬吠

一家松火隔秋雲

增註

坡詩夜燒松火明○易齋笑林  
載昭宗時國用籍乏李茂貞令

推油以助軍餉俄有司言官油沽賣不行多為松明挽奪乞行  
禁止張延範日更有一利便可并月明禁之李大笑其禁遂止

韋處士郊居

雍陶

滿庭詩景飄紅葉  
繞砌琴聲滴暗泉  
門外晚晴秋色老

蕭條寒玉一溪烟

江南

陸龜蒙

村邊紫豆華垂大岸上  
紅梨葉戰初莫  
徑烟中重回首

酒旗青紵一行書



旅夕

高蟾

風散古波驚宿鳥，月臨荒戍起啼鴉。不堪吟斷無人見，特復寒燈落一華。

金陵晚眺

曾伴浮雲歸晚色，猶陪落日泛秋聲。世間無限丹青手，一段傷心畫不成。

春

明月斷魂清露霽，**燕歸路綠迢迢**。人生莫遣頭如雪，縱得春風亦不消。

已前共六首

後對

用瓶，曰此體唐人用之亦少，必使末句雖對而詞足，意盡，若末常對不然則如平截長律體體齊整

略無結合此，荆公所以見誦於徐師川也

過鄭山人所居

劉長卿

寂寂孤鶯啼杏園，吳董奉山居不種田為入治病不取錢但栽杏五株人欲買香不須報奉但將穀一器取杏一器寥寥一犬吠桃源。長卿蓋以杏園本落葉芳

草無尋處萬壑千峰獨閉門

寒食汜上

汜上在城泉東增註：汜，祥子，切古荊河路河南府汜水縣水名春秋時鞏成泉

地唐屬河北道孟州又曰廣武坡詩：椰與廣武，漢江屬孟州汜水縣

王維

廣武城邊逢暮春

廣武城在鄭州榮澤縣西征記曰三泉山上有二城東曰東廣武西曰西廣武

漢祖與霸王共語處

汶陽歸客淚沾巾

汶陽今兗州奉符縣落華寂寂啼山

鳥楊柳青青渡水人



與從弟同下第出關

盧綸

出關愁暮一沾裳，滿野蓬生古戰場。孤村樹色兵殘雨，遠寺鐘聲帶夕陽。

宿石邑山中

漢石邑縣令真定府井徑，獲鹿縣。

韓翃

浮雲不共此山齊，山霽蒼蒼望轉迷。曉月暫飛千樹裏，秋河隔在數峰西。四句皆奇形，谷山之高。

贈張千牛

千牛衛將軍官名

增註

職林千牛乃名後魏有千牛備身掌執御刀，因以

名職其義蓋取莊子之庖丁為文惠君解牛，十九年割無數千牛而刀刃若發於硎，因以為備身刀名。書置大將軍一人左右，千牛備身各十一二人，掌執御刀宿衛侍從。

蓬萊關下是天家

蓬萊宮在教坊之側，龍朔三年建，蓋千牛禁衛之官也。

上路新

回白鼻

張統曰：上路苑路也。李翰林白鼻騮詞云：銀鞍白馬，鼻綳綠池障泥，錦細雨春風。華洛時流，直就胡

飲急管書催平樂酒

吳延濟曰：平樂館名，薛綜曰：平樂館，大作樂處也。

春衣夜

宿杜陵華

杜陵在萬年縣東北

增註

黃馬黑喙，日驅

已前共五首

○物體

周勃曰：此體必得奇句時此而用之，始存此以備一體。

旅望

李頎

百華原頭望京師，黃河水流無盡時。秋天曠野行人絕，馬首西來知是誰。**增註**黃河其源出崑崙，至雍之積石龍門，華陰。

滁州西澗

應物建中三年生，陰

增註

滁州本吳楚地，秦漢在江都，梁立南譙州，隋改滁州。

永陽郡屬淮南道，今屬淮東道。

韋應物



獨憐幽草澗邊生，上有黃鸝深樹鳴。春潮帶雨晚來急，

野渡無人舟自橫。歐陽永叔曰：滁州城西北，乃是豐山，無所謂西澗者。獨城北有一澗，水極淺，不勝舟。又江潮不至，此豈詩家務作佳句而實無此景也。

**增註**：澗泉說云：幽草而生於澗邊，鵬而鳴於深樹，小人在位，巧言之如流也。潮水本急，春潮而帶雨，其急可知。國家患難多也，晚來急及危國亂朝，季世末俗如日色已晚，不復光明也。野渡無人舟自橫，寬閑之野寂寞，之濱必有濟世之才如孤舟之橫渡者，特君相不能耳。

**酥張繼**

本集題序云：謫孫余之舊好，祇役武員以六言見懷，余以七言答。

**皇甫冉**

帳望南徐登北固，劉宋以京口置南徐州，北固山今鎮江府甘露寺，皇甫冉，丹陽人也。迢

迢西塞限東關，西塞山名，王周有西塞山詩，自注云：今謂之在歷陽西南二百里，吳道土磯，諫與國軍大治縣，歷陽圖經曰：東關。

落日臨川問音信，陸士衡詩：日寒

潮惟帶夕陽還。

河邊枯木

長孫佐輔

野火燒枝水洗根，數圍枯朽半心存。應是無機承雨露，

卻將春色寄蒼痕。

**柳州二月增註**

柳州占百越地，秦平百越，屬桂林郡。漢改鬱林郡，梁置羅州，隋置象州，唐為柳州。龍城郡屬嶺南道，以地當柳星，下故石，今屬廣西道。

柳宗元

宦情羈思共悽悽，春半如秋意轉迷。山城過雨百草盡，

榕葉滿庭鶯亂啼。榕初生如葛絲，木後乃成樹，許渾云：南方大葉榕樹，橫枝危者輒生根，垂地如柱。

**增註**

按：史德宗負元末，柳宗元坐王叔文黨，初貶邵州刺史，再貶永州司馬，至憲宗元和十年徙柳州。刺史劉禹錫貶播州，宗元曰：播非人所居，禹錫親在吾不忍其窮，即具奏欲以柳州授禹錫，而自往播。大臣亦為其請，因改禹

錫



錫連州

### 贈楊鍊師

鮑溶

道士夜誦藥珠經謂黃庭經也黃庭經云閉居藥珠作七言白鶴下遶香烟

聽夜深經盡人上鶴天風吹入穩真真

### 題齊安城樓

齊安城黃州

齊安黃州郡春秋黃州漢縣晉西陽國南

齊齊安郡隋黃州又永安郡唐淮南道

杜牧

鳴軋江樓角一聲微陽欲灑落寒汗不用憑欄苦回首

故鄉七十五長亭

六帖云短亭五里長亭十里

已前共七首

側體

周鼎曰其說與物體相類然發興措辭則奇健矣

### 營州歌

高適

營州少年愛原野

營州河北道柳城郡本遼西郡

狐裘蒙茸獵城下

毛萇曰蒙茸亂貌

虜酒千鍾不醉人胡兒十歲能騎馬

左傳狐裘蒙茸鍾飲器

### 山家

長孫佐輔

獨訪山家歇還涉第屋斜連隔松葉主人聞語未開門

遶籬野菜飛黃蝶

### 夏書偶作

柳宗元

南州溽暑醉如酒隱几熟眠開北牖日午獨覺無餘聲

山童隔竹敲茶臼

溽暑温濕也禮記上潤溽暑

### 步虛詞

吳苑曰陳思王遊漁山忽聞空裏有誦經聲清遠寥亮使解音者為之為神仙之聲道上



效之作步虛此  
步虛之始也

高駢

清溪道士人不識

庾仲雍荊州記曰臨淮縣有清溪山山  
東有泉泉側有道士舍郭景純神仙遊

詩曰清溪千仞  
餘中有一道士

上天下天鶴一隻

洞門深鎖碧窓寒  
董

傳在洞門謂  
門門相當

滴露研朱點周易

增註清溪一作青溪在處州青  
西石門洞天去縣十五里

君山

在岳州洞庭湖中方六十里亦名洞庭之山荊州圖經  
日湘君相夫人所遊故名君山云堯二女居之郡

志君山狀如斗上輭髻北夢瑣言湘江北流至岳陽  
達蜀江夏潦後蜀江漲過住湘波溢為洞庭湖凡數  
百里而君山宛然在水中秋水歸

此山復居于陸惟湘川一條而已

湘中老人讀黃老手接紫龜坐碧草春至不知湘水深

日暮忘卻巴陵道

此詩伯弼不著何人作廣異記載呂  
錫卿夜泊君山忽一舟至有老人吟

此詩呂異其詩  
就之忽不見

增註

元本湘水作湖水○黃庭經玉宸君即  
黃老君之身也又漢文景間崇黃

教注謂崇尚黃帝老子之術○岳州劉宋為巴陵郡界屬巴蛇  
於洞庭骨若陵故名巴陵○詩話引東坡百斛明珠載唐末有  
入見作是詩者殆是李諫  
仙輩老人真遁世者也

繡嶺宮

李洞

春草萋萋春水綠野棠開盡飄香玉繡嶺宮前鶴髮翁

繡嶺宮在陝州峽  
石縣顯慶三年置

猶唱闕元太平曲


元宗開元中嘗  
此詳見注後增

李致異聞實錄載會昌中許孝廉路出江寧館逢百  
衣叟乘馬高吟此詩許異之逐問忽入竹林遂不見

已前共六首

增註唐詩絕句三體詩法卷之一





早稲田大学図書館

011888011805